

ԳՐԻԳՈՐ ԶՈՒՐԱՊԵ ԵՒ ՆՐԱ ԺԱՄԱՆԱԿԸ (1861-1915)

Գրիգոր Զոհրապն ունեցել է կարճատեւ, սակայն իմաստավոց ու լեցուն կեանք: Նա ինտելեկտուալ մեծ հնարաւորութիւններով օժտուած անհատականութիւն էր, որի ցայտուն դրսեւորումը նրա գործունէութեան բազմակողմանիութիւնն էր՝ հրապարակախօս, բանաստեղծ, վիպագիր, արձակագիր, լրագրող, խըմբագիր, գրաքննադատ, կենսագիր, իրաւաբան, փաստաբան, ճարտասան, պետական ու ազգային գործիչ, որոնք արժանավայելորէն ցուցադրում են առեղծուածային կեանքը մի անձնաւորութեան, ով իսկապէս եզակի էր բացառիկների մէջ եւ եզակի մընաց մինչեւ վերջ: Նրա սերնդակիցներից թերեւս ոչ ոք առ այսօր չի ունեցել ուսումնասիրման այնպիսի լայն պարագիծ, որին արժանացել է Գրիգոր Զոհրապը: Նա ամենափնտրուած, ուսումնասիրուած, սակայն երբեք չսպառուած եւ մեծ հետաքրքրութիւն ներկայացնող գործի մտաւորականներից է արեւմտահայ մշակութային կեանքում:

Տարբեր ժամանակներում եւ տարբեր առիթներով ուշագրաւ աշխատութիւններով հանդէս են եկել Արշակ Ալպոյաճեանը (1889-1962)¹, Հրանտ Ասատուրը (1862-1928)², Ստեփան Շահպազը (1900-1984)³, Յակոբ Սիրունին (1890-1973)⁴, Ալբերտ Շարուրեանը (1931-2007)⁵ եւ ուրիշներ:

Անուանի գրողի եւ հրապարակախօսի կեանքին ու գործին առնչուող տեղեկութիւններ եւ արժէքաւոր ծանօթագրութիւններ

1 ԱԼՊՈՅԱՃԵԱՆ, Ա., Անհետացող դէմքեր, Գրիգոր Զոհրապ, (իր կեանքը եւ իր գործը), տպ. Վ. եւ Հ. Տէր-Ներսէսեան եղբարք, Կ. Պոլիս 1919:

2 Ա.ՍԱՏՈՒՐԻ, Հ., Դիմաստուերմեր, Կ. Պոլիս 1921:

3 ՇԱՀՊԱԶ, Ս., Գրիգոր Զոհրապ, տպ. Սեւան, Պէյրութ-1959:

4 ՍԻՐՈՒՆԻ, Յ., Գրիգոր Զոհրապ, անտիպ, Բ. մաս, ԳԱԹ, Ստ. Կուրտիկեանի փոնեն:

5 ՇԱՐՈՒՐԵԱՆ, Ա., Գրիգոր Զոհրապի կեանքի եւ, գործունէութեան տարեգրութիւն, Ս. Էջմիածին 1996:

են ընդգրկում նաեւ Թորոս Ազատեանի (1898-1953), Արփիար Արփիարեանի (1851-1908), Տիգրան Արփիարեանի (1854-1915), Արշակ Չոպանեանի (1872-1954), Արամ Անտոնեանի (1875-1952), Հոփիսիմէ Սերինկիւլեանի (1886-1975), Վահան Թեքէեանի (1878-1945), Զապէլ Եսայեանի (1878-1943) եւ այլոց թողօնները՝ նամակներ, գրութիւններ, նօթագրութիւններ, գրառումներ, վկայութիւններ, յիշատակութիւններ, յուշագրութիւններ եւ այլն⁶:

Գր. Զոհրապն ապրել է հարուստ ու շոնդալից կեանքով եւ ունենալով գործունէութեան յախուռն ու բազմաբովանդակ տարեբրութիւն, ազգային, քաղաքական, գրական եւ մշակութային մտքի պատմութեան մէջ թողել է անկորնչելի հետք: Նրա գրական-բանասիրական տաղանդը ճիշտ ըմբունելու եւ գնահատելու համար, առաջին հերթին պէտք է թափացնել նրա հարուստ ներաշխարհը, ընկալել նրան որպէս վառ անհատականութիւն, քանի որ գրականութիւնը «մեմենական արհեստ մը չէր» հանձարեղ գրողի համար եւ ոչ էլ սոսկ պատահական մի ասպարէզ, այլ մշտապէս ճշմարիտը, գեղեցիկը, բարին, որոնող ինքնաբուխ, խիզախ եւ աննկուն ոգու արտայայտութիւնն էր: Իսկ Զոհրապեան ոգին անսահման մեծ ու հզօր էր՝ զերծ ամէն տեսակ պայմանականութիւններից, նախապաշարումներից, գուեհիկ սովորոյթներից ու մոլութիւններից: Զարմանահրաշօրէն նրա արտաքինը ներդաշնակ էր իր անհատականութեանը. Միջահասակ եւ ամուր կազմուածքով, խրոխտ կեցուածքով, տիրական ձայնով, բանիմաց եւ լրջախոհ նայուածքով: Նա անհաշտ էր սին փառքի եւ կեղծ մեծութիւնների հանդէպ: Զէր ընդունում միջակութիւնն ու կեղծիքն արուեստում եւ գրականութեան մէջ: «Կարելի է ըսել, գրում է Ստեփան Շահպազը, - թէ անսայթ-աֆօրէն, շարունակ գաղափարի մարդը եղաւ, ինչպէս եւ յանդուգն՝ երբ պէտք նկատեց արդարութիւնը պաշտպանել: Փաստարան ըլլալուն համար չէր որ նշմարտութիւնը եւ արդարութիւնը պաշտպանեց. այլ իր մէջ, իր հետը ծնած էր նշմարտութեան եւ արդարութեան սէրը: Զսակարկեց երբեք կեղծիքին հետ»⁷:

Գր. Զոհրապը ծնուել է 1861ի յունիսին կ. Պոլսի Պէշիկ-թաշում՝ սեղանաւոր (սարաֆ) Զպուքչի Խաչատուրի ընտանիքում:

6 Գր. Զոհրապի հարուստ արխիվը բոնագրաւուել է նրա ծերբակալման ժամանակ, սակայն կենցն ու աւագ դստերը յաջողուել է փրկել դրա մի մասը, որը անցեալ դարի 70ականների կեսերին յանձնուել է Գ.Ս.Թիմ, ինչպէս նաև ՀՊԿԱ.Ցին եւ Մատենադարանի կարողիկոսական դիւնենին:

7 ՍՏԵՓԱՆ ՇԱՀՊԱԶ, Գրիգոր Զօհրապ, Պէյրութ 1959, 65:

Հայրը սեղանաւորների պետ էր, գործուն մասնակցութիւն է ունեցել Պէշիկթաշի թաղային գործերին, եղել է Մաքրուհեան վարժարանի մնայուն խնամակալ: Նրանց գերդաստանը սերել է Անիի եւ Արարքիրի միջեւ գտնուող Զոհրապ գիւղից (յիշեալ գիւղի անունով էլ ստուգաբանուում է նրանց տոհմանունը): Գերդաստանի նախահայրեր Խաչատուր եւ Ալիքսան եղբայրները Զոհրապ գիւղից տեղափոխուել են Ակն, որտեղ Խաչատուրը դարձել է կառավարիչ, իսկ եղբայրը՝ արկղակալ: Ակնում բարձր դիրք է ունեցել նաեւ Խաչատուրի որդի Անտոնը, որը Ժ. Դարավերջին ենթարկուելով հալածանքների տեղափոխուել է կ. Պոլիս: Խաչատուրը եւ Սարգիսը Անտոնի որդիներն էին, որոնք Պոլսում յայտնի էին Զպուքնի (չիբուխսագործ) մականուամբ:

Զոհրապեան գերդաստանը տուել է անուանի մարդիկ: Նըրանցից մէկը 1846 թուականին հրատարակել է անգլերէն առաջին գիրքը Թուրքիայի մասին, որը մեծ ընդունելութիւն է գտել՝ հոչակ բերելով հեղինակին: Գերդաստանի մէկ այլ անդամ հիւպատոս էր Կարինում: 80ական թուականներին նրանց տոհմից եգիպտական զինուած ուժերում ծառայել է մի գնդապետ: Կ. Պոլսում Անգլիայի դեսպան էղուարդ Թորնդընը եւ դեսպանութեան քաղաքական թարգման Ալֆրեդ Սանդիսնը մայրական կողմից ազգակցական կապեր են ունեցել Զոհրապեանների հետ⁸: Նրանց գերդաստանում եղել են ինչպէս լուսաւորչականներ, այնպէս էլ բողոքականներ ու կաթոլիկներ: Զոհրապի հայրը եւ հօրեղբայրները լուսաւորչականներ էին:

Ակնը⁹ Հին Հայաստանի այն եղակի քաղաքներից մէկն է, որը թողել է ոչ միայն հայագիտութեան, գրականութեան եւ ժո-

8 ՇԱՐՈՒՐԵԱՆ, Ա., Գրիգոր Զոհրապի կեամքի եւ գործութեութեան տարեգրութիւն, Ս. Էջմիածին 1996, 13-14:

9 Պատմական աղբիւրները հաւաստում են, որ Ակնը կառուցուել է 1021 թուականին Սերաստիա տեղափոխուած եւ յետագայում այնտեղից տարագրուած Արծրութեների եւ Անիից գաղթած հայերի կողմից: Ակնը տեղակայուած է Արևելյան Եփրատի (Կարասու) աջ ափին: Սկզբաղրիւրներում նրա անունը յիշատակուել է Մայրընդուրիկ (Գ. Սրուանձտեանցի ստուգաբանութեամբ՝ Մայրընդունակ, տես ՄՐՈՒԱՆՁՏԵԱՆՑ, Գ., Թորոս Աղքար Հայաստանի նամինորդ, մասն Ա., Կ. Պոլիս 1879, 250), բուրքական աղբիւրներում այն կոչուել է եգին, իսկ յետագայում՝ «Քեմալի» անութերով: 1885ի մարդահամարի տուեալներով Ակնում բնակուել է 10.000 մարդ, որից 5442ը՝ հայեր էին: Ակնը ուներ 100ից աւելի փոքր ու մեծ հայկական գիւղեր: Մինչեւ ցեղասպանութիւնը Ակ-

ղովրդական բանահիւսութեան հարուստ ժառանգութիւն, այլեւ տուել է գիտութեան ու մշակոյթի բազմավաստակ մշակներ՝ գրողներ, արուեստագէտներ, ուսուցիչներ, բժիշկներ, իրաւագէտ-փաստաբաններ, բարձրաստիճան եկեղեցականներ, պետական ու քաղաքական գործիչներ: Ակնից են սերել Նիկոլ Գալանտէրեանը (1881-1944), Էդգար Շահինը (1874-1947), Սիամանթոն (Ատոմ Եարանանեան 1878-1915), Միսաք Մեծարենցը (1886-1908), Արփիար Արփիարեանը, Արշակ Չոպանեանը, Մինաս Չերազը (1852-1929) եւ ուրիշներ: Աւելի քան երկու դար Ակնը ամիրայական նշանաւոր գերդաստաններ է տուել կոստանդնուպոլսին եւ Զմիւռնիային՝ Տատեաններ, Ճիզայիրլեաններ, Դիւզեաններ, Թէրզեաններ, Խօճասարեաններ, Դիւրիններ եւ այլք: Ակնը տուել է նաև ուսուցիչների փառահեղ սերունդ՝ Սարգիս Գասպարեան, Մուրադ Վարժապետ, Հայկազուն Պեկեան, Աբրահամ Մուրադեան, Նշան Թորոսեան, Վահան Արծրունի եւ ուրիշներ: Ակնեցիները Վասպուրականի եւ Անիի իշխանական գերդաստանների այն զտարիւն շառաւելիններն էին, որոնք պատմաշխարհագրական նոր միջավայրում եւ կեանքի անսովոր պայմաններում կարողացել են անաղարտ պահել իրենց փառահեղ նախնինների իշխանական սովորոյթները, տոհմիկ բարքերն ու աւանդոյթները եւ իրենց բնորոշ էթնիկ առանձնայատկութիւնները՝ մտքի ձկունութիւնը եւ խորութիւնը, հնարամտութիւնը, խոհական դատողութիւնը, ձեռներէցութիւնը, արժանապատութիւնը, նախանձախնդրութիւնը, վայելչասիրութիւնը, նրբաճաշակութիւնը, իրականութիւնը ճանաչելու խոհափիլիսոփայութիւնը, որոնք հըմտօրէն արտապատկերուել են իրենց ստեղծագործութիւններում, կառուցած եկեղեցինների, վանքերի, ապարանքների եւ տների ճարտարապետական հոյակերտ յօրինուածքներում:

Էթնօպատմամշակութային տիպական այդ գծերը առաւել ցայտուն դրսեւորուեցին Գր. Զոհրապի ներաշխարհում եւ ստեղծագործութիւններում: Այդ մասին վկայում է նաեւ Ա. Ալպոյանեանը. «Զոհրապ իր Ակնցի նախահայրերէն ժառանգած ըլլալ կը թուի մասնաւորապէս իր երեւակայելու, ստեղծագործելոն, ոգեւորուելու եւ ֆերքելու ընդունակութիւնը, որ առհաւութեամբ (ժա-

նը գտնուել է Արեւմտեան Հայաստանի Խարբերդի վիճակում: Ներկայումս այն գտնուում է Թուրքիայի Նրգնկա վիլայեթում (այս մասին մանրամասն տե՛ս ՈՍԿԱՆԵԱՆ, Ն., Ակմը եւ նրա մշակութային կեամքը ցեղասպամութեան նախաշեմիմ, ի «Համդէս Ամսօրեայ», ՃԺԸ տարի, 2004 յունուար-դեկտեմբեր, թիւ 1-12, վիեննա, 459-474):

ռանգականութեամբ՝ Շ. Ռ.) մը կը զարբնուր իր մէջ, իր ստացած դպրոցական կրթութեան եետեւանօֆ: Ակն, բովանդակ Հայաստանի մէջ միակ քաղաքն է որ մեզի տուած է ոչ միայն ժողովրդական լաւագոյն բանաստեղծութիւնները այլ նոր բանաստեղծներու եւ գրողներու լաւագոյնները: Նյօնապէս Ակնայ բնակիչներուն գործունեայ նկարագիրը, նախաճեռնարկ ոգին, բախտախնդրութեան մօտեցող յանդենութիւնը, բնածին եւ ոչ ստացական ուշիմութիւնը, պատրաստարանութիւնը, չարութեան մօտեցող սրամտութիւնը, այս ամէնքն, դեռ կ'ապրէին Զոհրապին մէջ, իբր հարազատ սերունդը Ակնեցիներու...»¹⁰:

1897ի աշնանը Զոհրապը Պէշիկթաշի Մաքրուհեան վարժարանի¹¹ ծաղկոցի սան էր: Նրա ուսուցիչը տիրացու Արթինն էր, որի նախասիրած դաստիարակութեան մեթոդը Փալախան էր: 1868ի ամրանը Զոհրապն աւարտելով ծաղկոցը անցել է նախակրթարանի Ա. կարգը, իսկ 1869 ժուլականին փոխադրուել ուսումնարանի Ա. կարգը: Այստեղ ուսանելու տարիներին աչքի է ընկել Դանիէլ եւ Եզեկիէլ մարգարէների գրքերը կարդալով, մասնակցել է նաեւ Եկեղեցիական երգեցողութեանը, ինչի համար հայրը խրախուսել է նրան եւ նուէրներ ուղարկել ուսուցչին¹²: Ուսանելու հետ մէկտեղ ազատ ժամերին Զոհրապն օգնել է հօրը սեղանաւորական գործերում: Այդ մասին նա իր յիշողութիւններում գրում է. «Ղալաքիայ, խանի մը մէջ, հօրս քով կը ծառայէի,

10 Ա.ԼՊՈՅՍՃԵԱՆ, Ա. Անհետացող դէմքնը, Գրիգոր Զոհրապ (իր կեամբը եւ իր գործը), Կ. Պոլիս 1919, 227:

11 Մաքրուհեան վարժարանը կառուցուել է 1864 քուականին՝ Սարգիս Պալեանի (1831-1899) նախագծով եւ Առաքել Սիսակ Տատեանի (1826-1886) մեկենասութեամբ: Քարաշէն, երկյարկանի վարժարանի շինարարական աշխատանքներն աւարտուել են 1866 քուականին: Այն անուանակոչուել է Տատեանի վաղամենիկ դստեր՝ Մաքրուհու (1842-1863) անուամբ: Վարժարանն ուներ մէկամեայ ուսումնառութեամբ ծաղկոց, որտեղ դասաւանդուել են հետեւեալ առարկաները՝ ընթերցանութիւն հանդերձ Աւետարանով, հասարակ գիր, քուանշան գրեաց, կարդալ, աղօքք եւ կրօնական երահանգ: 1868ին վարժարանի տնօրինութիւնը ստանձել է Պէշիկթաշի քարոզիչ եւ քաղային վարժարանների վերատեսուչ Խորէն Նարպէյը, որի ջանքներով դպրոցը հասել է «քարձագոյն վիճակի», ուսման յայտագրում մտցուել են նոր առարկաներ՝ բարձրագոյն քուարանութիւն, երկրաշափութիւն, գծագրութիւն եւ տումարագիտութիւն:

12 Նրա երաժշտութեան ուսուցիչը ուսումնարանի կառավարիչ ճայնաւոր Գասպարն էր:

ամէն օրուան ապրուստու էր 30 փարայի ֆասուլի եւ տասը փարայի հաց»¹³:

Հօր մահից յետոյ (1870) նրանց ընտանիքը տեղափոխուեց Օրթագիւղ, որտեղ բնակութիւն հաստատեցին Եղրտամի լեռ թաղամասում¹⁴: Զոհրապը 1870-73 թուականներին ուսումը շարունակել է Օրթագիւղի «Թարգմանչաց» վարժարանի Բ., Գ., Դ. կարգերում: Այստեղ ուսանելու տարիներին մեծ խանդավառութեամբ դիտել է «Բարեսիրաց»ի ներկայացումները¹⁵: Նա տեսել է Թովմաս (1843-1901) եւ Պայծառ (1845-1920) Ֆասուլաճեանների, Երանուճի (1848-1924) եւ Վերգինչ (1856-1933) Գարագաշեանների, Ազնիւ Հրաչեայի (1853-1920), Մարի Նուարդի (1853-1885) եւ այլոց խաղերը: Մշտապէս ներկայ է գտնուել Օրթագիւղի լսարանի կազմակերպած բանավէճներին ու բանախօսութիւններին, որոնց պարբերաբար մասնակցել են Մկրտիչ Խրիմեանը (1820-1907), Գրիգոր Օտեանը (1834-1887), Թովմաս Թէրզեանը (1840-1909), Նարպէյը (Խորէն Գալֆայեան 1831-1893), Մինաս Զերապը, Մաղաքիա Օրմաննեանը (1841-1918), Մարկոս Աղաբեկեանը (1830-1908) եւ ուրիշներ:

Անյագ հետաքրքրութեամբ ընթերցել է դպրոցի գրչագիր մատեանները, սպագիր գրքերը, հայերէն եւ օտարալեզու մամուլը, որոնք ժառանգութիւն էին մնացել «Վերածնութեան բանգարան»ից: «Թարգմանչաց»ում նրան դասաւանդել են Աւետիս Պէրպէշեանը (կրօն եւ հայոց պատմութիւն), Յովհաննէս Սէթեանը (եղլորորդական դասատու), Պասկալը, Գարդիչև Ներշապուհը, Սիմոն Միքայէլեանը (թուաբանութիւն եւ բնագիտական առարկաներ), Թովմաս Թէրզեանը (հայկաբանութիւն) եւ ուրիշներ: Ու-

13 «Կավոռշ», Կ. Պոլիս 1914, ապրիլ 13, թիւ 42,9:

14 Զոհրապի մայրը երկրորդ անգամ ամուսնացել է նամաշուած ֆաստարան Աւետիս Եղրտամեանի հետ: Նա եղել է գործունեայ մարդ, տարիներ շարունակ վարել է Պատրիարքարանի գործերը, անդամակցել է զանազան ժողովների եւ խորհուրդների: Տարբերութիւն չի դրել իր եւ կնոջ զաւակների միջեւ: Մեծ է եղել նրա ազդեցութիւնը Զոհրապի ֆաստարան-իրաւարանի մասնագիտութեան ընտրութեան գործում:

15 1870 բուականին վարժարանի տեսչութիւնը յանձնուել է «Բարեսէք» ընկերութեանը, որը պահում էր մասնագիտացուած քատերախումբ՝ Պատրոս Մաղաքեանի (1826-1891) խմբավարութեամբ: «Բարեսիրաց»ը մնձացրել է վարժարանի բատերասրահը, տրուել են ներկայացումներ, որոնց հասոյթներով վարժարանը պահել է իր գոյութիւնը:

սումնառութեան տարիներին Զոհրապը առանձին հետաքրքրութիւն ունէր ճշգրիտ գիտութիւնների հանդէպ, գրում էր նաեւ «մանրիկ ոտանառներ, յաջող շարադրութիւններ»¹⁶, որոնք մշտապէս արժանանում էին ուսուցիչների դրուատանքին ու խրախուսանքին:

1872ին «Բարեսիրաց»ը կազմալուծուեց եւ «Թարգմանչաց»ի հովանաւորութիւնը ստանձնեցին «Ընթերցասիրաց» եւ «Ուսումնասիրաց» ընկերութիւնները: Մէկ տարի անց նիւթական միջոցների սղութեան պատճառով այս ընկերութիւնները նոյնպէս կազմալուծուեցին, որի հետեւանքով վարժարանը վերածուեց ծաղկոցի: Զոհրապը որոշ ժամանակ սովորել է նաեւ Օրթագիւղի «Լուսաւորչութեան» կաթոլիկ վարժարանում, որի տնօրէնը Ցովսէփ Շիշմանեանն էր (Մերենց 1822-1888): Այնուհետեւ ուսումը շարունակել է Պէշիկթաշի Մաքրուցեան վարժարանում¹⁷, որն աւարտել է 1876 թուականին: Նոյն տարում ընդունուել է Կալաթասարայի Հաղորդակցութեան ճանապարհների եւ քաղաքային շինութեան ինստիտուտը¹⁸, որն աւարտել է 1879ին՝ ստանալով երկրաչափ-ճարտարապետի մասնագիտութիւն: Այդ մասին Զոհրապն անթաքոյց հպարտութեամբ գրում է: «Տասնութ տարեկան հասակից առաջինը եղած եմ երկրաչափական վարժարաննեն չափագիտական ամենաբարձր ուսումներու շրջանները աւարտելով այնպիսի տարիի մը, երբ ուրիշները նոր կը սկսիմ»¹⁹: Մակայն այս մասնագիտութեամբ աշխատանք չգտնելու պատճառով Զոհրապը ծառայութեան է անցնում Աւետիս Եղորտամեանի փաստաբանական գրասենեակում եւ նրա խորհրդով էլ 1880 թուականին ըն-

16 Ա.ԼՊՈՅՍ.ՃԵԱՆ, Ա., ամդ, 19:

17 Աշխատանքի բերումով Ա. Նորտմանեամը բողել է Օրթագիւղը եւ ընտանիքով տեղափոխուել է Պէշիկթաշ:

18 Կալաթասարայի Կայսերական նեմարանը (լիցեյ) բացուել է 1868ին: Լուսաւորութեան նախարարի երամանով 1874ին բացուել են իրաւարանական, գրական եւ հաղորդակցութեան նախապարհների բաժինները, որոնք գործել են որպէս առանձին ուսումնական հաստատութիւններ: Հաղորդակցութեան նախապարհների եւ Քաղաքաշինութեան բաժնում ուսուցումը եռամեայ էր: Դասաւանդուել են ենտեւեալ առարկաները՝ բարձրագոյն մաթեմատիկա, ֆիզիկա, ֆիմիա, մեխանիկա, մեքենագիտութիւն, գիւրերի դիմադրութիւն, երկրաբանութիւն, երկրաչափութիւն, շինարարական գործ եւ մետաղագործութիւն:

19 Ժամանակ, Կ. Պոլիս 1908, 24/6 հոկտեմբեր, թիւ 9:

դունտում է Կալաթասարայի իրաւագիտական վարժարանը²⁰: 1881ի սեպտեմբերին Թուրքիայի դատական նախարարութիւնը փակում է Կալաթասարայի իրաւագիտական վարժարանը՝ փոխարէնը բացելով Թուրքականը՝ Հուգուգ մեքթերէն: Թէաբէտ ըստ կանոնագրի ազգարարում էր, որ այնտեղ կարող էին սովորել կայսրութեան բոլոր հպատակները, սակայն իրականում վարժարանի հիմնական նպատակը մուսուլման մասնագէտներ պատրաստելն էր: Ուսուցումը իրականացւում էր օսմաններենով, դիմորդները պարտադիր քննութիւն են յանձնել օսմաններէնից, օսմանեան եւ ընդհանուր պատմութիւնից, աշխարհագրութիւնից ու թուարանութիւնից: Կառավարութիւնը պաշտօնապէս ծանուցում էր, որ «Նիզամիկ» (Քաղաքային՝ Շ. Ո.) դատարանաց առջեւ» փաստաբանի պաշտօն կարող են կատարել միայն «Սէրութեան իրաւագիտական վարժարանի» վկայական ունենալու դէպքում²¹: Զոհրապը նոյն թուականի նոյեմբերին ստիպուած տեղափոխուել է Հուգուգ մեքթերէ: Մակայն, երբ 1882 թուականին վարժարանի տնօրինութեան որոշմամբ ուսումնառութեան եռամեայ շրջանը վերածուեց քառամեայի, նա մի խումբ ուսանողների հետ հեռացաւ վարժարանից: Օգտուելով դատական նախարարութեան՝ փաստաբանութեամբ զբաղուողներին քննութիւն յանձնելու թոյլտուութիւն տալու արտօնութիւնից՝ համապատասխան վկայական ստանալու համար՝ 1884ի յունուարին մեկնում է Եղիբը (Աղրիանապոլիս), փայլուն քննութիւններ է յանձնում կուսակալութեան քննիչ յանձնաժողովին, ստանում է «առաջին կարգի փաստարանի» վկայական եւ վերադառնում է Կ. Պոլիս:

Տարիների ընթացքում Զոհրապը ընդլայնել է իր փաստաբանական գործունէութեան շրջանակները: Դատեր է վարել ինչպէս եղեռնադատ, այնպէս էլ քաղաքային, առեւտրական, վճռաբեկ, վերաքննիչ եւ այլ ատեաններում: Տեղին է մատնանշել, որ

20 Իրաւագիտական վարժարանը պաշտօնապէս գտնուել է սուլթանի հովանաւութեան ներքոյ: Նրանաւարտներին արտօնուում էր ստանալ դատաւորի, դատախազի եւ այլ պաշտօններ: Վարժարանում դասաւանդել են մրանսիայի նանաչուած մասնագէտներ՝ Օլիսը (հոռմէական իրաւութեան), գառոն (իրաւագիտութիւն, փիլիսոփայութիւն) եւ ուրիշներ: Խրաբանչիր եռամսնեակը մէկ ուսանողները քննութիւն են յանձնել: Մասնագիտական առականների դրուածքը վարժարանում քարար մակարդակ է ունեցել (Մասիս, Կ. Պոլիս 1881, հոկտեմբեր 14/26, թիւ 3016):

21 Մասիս, Կ. Պոլիս 1881, հոկտեմբեր 14/16:

չունեւորներին ու պանդուխտներին օգնել է ձրիաբար՝ յաճախ իր սեփական միջոցներով վճարելով նաեւ նրանց դատական ծախսերը:

Փաստաբանական եւ իրաւաբանական գործունէութիւնը մեծ հոչակ է բերել Զոհրապին: Փաստաբանական հմտութիւնն ու կարողութիւնը, ճարտասանական բացառիկ տաղանդն ու երկաթեայ տրամաբանութիւնը, հաւասարակշուռած ու սառը դատողութիւնը այն հզօր զէնքերն էին, որոնց շնորհիւ նա շահեց մեծ թուով դատեր, առանց ազգային խորականութեան պաշտպանեց ու փրկեց մահապատժի դատապարտուած բազմաթիւ ճակատագրեր:

Իրաւագիտական առաջին աշխատութիւնը Զոհրապը հրատարակեց 1883ին: Աւելի ուշ նա հրատարակեց եւս երկու աշխատութիւն, դրանցից մէկը Փրանսերէնով տպագրուեց Փարիզում: Այս աշխատութիւններում շարադրուած են նրա փաստաբանական եւ իրաւագիտական հայեացքները: Գրիգոր Զոհրապը զարգացրեց օրէնսգիտական առաջադիմական գաղափարներ՝ հակադրուելով օսմանական միապետական քարացած օրէնքներին, պաշտպանեց ժողովրդի իրաւունքներն ու շահերը:

Տակաւին պատանի տարիքում ուսումնառութեան հետ մէկտեղ նա զբաղուել է նաեւ հասարակական գործունէութեամբ՝ անդամակցելով «Ասիական ընկերութեանը», որը հիմնադրուել էր 1877 թուականին Կ. Պոլսի Խասգիւղ թաղում: Ընկերութեան նպատակը «Հայաստանի վարժարանաց ձրի գրեանք մատակարարելն էր»: Ընկերութեան յանձնարարութեամբ 1880ի փետրուարին Զոհրապը այցելում է Խասգիւղի ազգային վարժարան, ծանօթանում է վարժարանի ներքին կեանքին եւ կրթութեան դրուածքին: Այդ կապակցութեամբ նա «Մասիս»ում հանդէս է եկել յօդուածով, որտեղ ամենայն մանրամասնութեամբ ներկայացրել է վարժարանից ստացած իր տպաւորութիւնները²²: Նոյն թուականին նա ընտրուել է «Միացեալ»ի կեդրոնական ժողովի անդամ²³:

22 Մասիս, Կ. Պոլիս 1880, մարտ, 4/16, թիւ 2564:

23 «Միացեալ»ը ստեղծուել է Արարատեան, Դպրոցասիրաց-Արեւելեան եւ Կիլիկեան ընկերութիւնների միաւորմամբ՝ Ապատակ ունենալով Հայաստանի գաւառներում եւ Կիլիկիայում կրթութեան գործը ծաւալել: Ըսկերութիւնը հիմնել է մասմանիւղեր, գաւառներում բացել է դպրոցներ, հրատարակել է դասագրքեր, հայրայրել գրեանական պիտոյքներ, պատրաստել ուսուցչներ եւ այլն:

Յատկապէս մեծ է եղել Զոհրապի դերը «ԱՄիացեալ»ի կրթական ու գաղափարական աշխատանքների կազմակերպման գործում: Այդ մասին նա սիրով արձանագրել է: «Ընկերութեան ուսուցչական մարմնին յարափոխական շարժման մասնակցելու ուղղութիւնը ևս ճշդած ու բաջակարած եմ, եթէ ոչ մտցուցած»²⁴:

1881ի յուլիսին նա ընտրուել է ընկերութեան վարչութեան անդամ եւ ատենադպիր, կազմել եւ Ազգային ժողովի վաերացմանն է ներկայացրել նոր կանոնագիր, ըստ որի ընկերութիւնը այսուհետ պէտք է դառնար ոչ թէ սոսկ դասագրքեր հայթայիթող միատարր կազմակերպութիւն, այլ պէտք է հրատարակեր «ազգային կրթութեան կարեւոր սեպուած դասագրքերը, յորոց ճրիապէս պիտի տայ Միացեալ, ինչպէս եւ մեր ուրիշ ընկերութեանց Հայաստանիդ պլոցաց»²⁵:

Դեռեւս 1882ի մայիսին Զոհրապի նախաձեռնութեամբ որոշուել էր «Ասիական ընկերութեան» ջանքերով հրատարակել գիտական եւ գրական հանդէս: Մեծ խնամքով կազմուել է հանդէսի տեղեկագիրն ու կանոնագիրը: Ազգային իշխանութիւնները հաւանութիւն են տուել այդ ծրագրին եւ արտօնուել է «Երկրագունու» հանդէսի հրատարակութիւնը: 1883ի յունուարին Յակոբ Պարոնեանի (1843-1890) խմբագրութեամբ կ. Պոլսում հրատարակուեց «Երկրագունու»ը: Այդ մասին խմբագրութիւնը ծանուցում է: «Մեծապատի Գրիգոր Էֆենտի Զոհրապ քամի տարիներ Պետ եղած է Ասիական ընկերութեան Տնօրէն ժողովոյն եւ գլխաւոր հիմնադիրն եղած է Երկրագունու հանդէսին»²⁶: Գր. Զոհրապը ոչ միայն եռանդուն թղթակցում էր հանդէսին, այլեւ գործնական մասնակցութիւն ունէր նիւթերի հաւաքման, ընտրութեան եւ խմբագրման աշխատանքներին:

1884ի յունուարից «Երկրագունու»ը խմբագրել է Եղիա Տեմիրճիպաշեանը (1851-1908): Այդ մասին Տեմիրճիպաշեանը գրում է, որ ինքը՝ «հրատարակիչ ընկերութեան տնօրէն Գրիգոր Զոհրապի հրալիրանաց վրայ է ստանձնել հանդէսի խմբագրապետութիւնը»²⁷: 1885ի յուլիսից Զոհրապը դադարում է աշխատակցել հանդէսին: Պատճառը հետեւեալն էր: Նա տպագրութեան էր յանձնել

24 Մասիս, Կ. Պոլիս 1880, մայիս, 19/31, թիւ 24, թիւ 2625, նաև՝ Ժամանակ, Կ. Պոլիս 1908, հոկտեմբեր 24/6, թիւ 9:

25 Մասիս, Կ. Պոլիս 1881, 17/29, թիւ 2944:

26 Երկրագունու, Կ. Պոլիս 1888, փետրուար, թիւ 52:

27 Բիւզանդիոն, Կ. Պոլիս 1899, յունուար, 12/21, թիւ 680:

«Անհետացած սերունդ մը» վէպի առաջին հատուածները։ Տեմիր-ճիպաշեանը առանց հեղինակի իմացութեան, կատարել էր մասնակի սրբագրումներ։ Սոյն վէպը անուանի բանաստեղծն ընկալել էր որպէս զուտ նատուրալիստական եւ իր հայեցողութեամբ փորձել էր կանխել «մեր ազգին համար այդ վաղաժամ» երեւոյթը։ Զոհրապը նկատելով այդ միջամտութիւնը՝ դադարեցրել էր տպագրութիւնը եւ պահանջել էր, որպէսզի խմբագիրն այդ մասին բացատրութիւն տար ընթերցողին։ Հանդէսի յուլիսեան համարներից մէկում է։ Տեմիրճիպաշեանը գրում է. «Զոհրապի յատուկ խնդրանաց վրայ յայտնում եմ, որ պաշտօնիս պահանջմամբ եւ խղճիս հակառակ մեղմացուցի Երկրագունդի մէջ իւր վէպին ինչ-ինչ բառերն ու պարբերութիւններն...»։ Այդ միջադէպից յետոյ Զոհրապը թէպէտ ներքուստ վիրաւորուած էր Տէմիրճիպաշեանից, սակայն մինչեւ վերջ շարունակեց պահպանել նրա հետ ջերմ յարաբերութիւններ։

1887ի յունիսին «Անհետացած սերունդ մը» վէպը լոյս է տեսել առանձին գրքով։ Հ. Ասատուրը «Մասիս»ում հանդէս է եկել «Արդի հայ գրակամութիւնն ի Թուրքիա» յօդուածով, որտեղ բարձր գնահատելով Զոհրապի գրական գործունէութիւնն ընդհանրապէս, վէպը համարել է «... հետաքրքրական, որ իւր աշխոյժ եւ կորովի ոնով կը պատկերէ ժամանակակից իրադրութիւններու դէպներ»²⁸։ Նա Զոհրապին բնութագրել է որպէս երկաթի նկարագիր, խիզախ եւ անվեհեր գրող, որը փառաւոր յայտնագործութիւն էր հայ գրականութեան համար։ Նրա վէպերում ամբողջովին արտայայտուած է իրականի զգացումը «ինքնատիպ ոն, համակ զօրութիւն եւ կորով»։ «Մասիս»ում տպագրուել է նաեւ Լեւոն Բաշալեանի (1868-1943) գրախօսութիւնը սոյն գրքի մասին, որտեղ մասնաւորապէս մատնանշւում է, որ «Ի վաղուց հետէ հրատարակուած չէր գիրք մը այսքան նոր ու այսքան գրական... գրքին մէկ ծայրէն միւս ծայրն հեղինակը կ'երեւայ մեզ առաջնակարգ վարպետ մը, որ կը ներկայացնէ մեզ կեանքն իւր մանրակըրկիս նշտութեամբ եւ ամէն երեւոյթներու ներքնեւ»²⁹։ Գրախօսը վէպը համարել է նոր գրականութեան «առաջնակարգ» եւ «փայլուն» ակզրնաւորութիւն։

1891ի դեկտեմբերին Զոհրապը Հրանտ Ասատուրի եւ Տիգրան Կամսարականի (1866-1941) հետ որոշում են ստեղծել խըմ-

28 Մասիս, 1887, մայիս 9, թիւ 3872:

29 Անդ, թիւ 3877:

բագրական մարմին եւ «Մասիս»ը հրատարակել որպէս գրական հանդէս: Հանդէսը պէտք է խմբագրուէր՝ կազ չունենալով «Արեւելք»ի հետ, որպէս զի վերջինիս վարչական խորհուրդը չմիջամտէր նրա ուղղութեանը: Խմբագրութեան կողմից «Հայրենիք»-ում տպագրուած ծանուցման մէջ մատնանշւում էր. «Մասիս» խմբագիրք, որի արդէն ազգին ծանօթ են, Հայրենիքի աշխատակիցներն ու գաղափարակիցներն են: Հետեւարար վստահ ենք թէ իրենց երապարակած հանդէսը յառաջադիմութեան հանդէս մը պիտի ըլլայ, պայմանաւ, որ Արեւելքի վարչութիւնը, որուն սեփականութիւնն է, Մասիսը, չխեղդէ այդ խմբագրութեան ազնիւ ճգումները և չկաշկանդէ անոնց անկենդ ու յառաջադիմութեան ոգին»: Որպէս հրատարակիչ տնօրին Հր. Ասատուրի վրայ դրուած էին յօդուածներն ընտրելու, հաւաքելու եւ սրբագրելու պարտականութիւնները: Բացի կազմակերպչական աշխատանքներից Զոհրապը ստանձնել էր նաեւ հանդէսի գաղափարական ու գեղարուեստական բաժնի պատասխանատուութիւնը: Ա. Զոպանեանը իր յուշերում գրում է. «Այդ միջոցին գրահննութիւնը արգիլած էր ոտանաւոր գրութեան երատարակումը, որովհետեւ լրտեսներ այնպէս հասկցուցած էին Սուլթամին, թէ ոտանաւորով կարելի է աելի դիւրաւ վտանգաւոր գաղափարներ խորհրդաւոր ձեւով մը արտայայտել...»: Միայն Զոհրապի յամառ ջանքերի շնորհիւ էր, որ ինչպէս «Մասիս»ը, այնպէս էլ հայկական միւս պարբերականները վերստին ստացան ոտանաւորներ տպագրելու արտօնութիւն:

Ցանձինս Զոհրապի՝ հանդէսի շուրջ համախմբուեց պոլսահայ գրականութեան ընտրանին: «Մասիս»ում կատարած մի շարք գրառումներում Զոհրապը փորձել է զարկ տալ թատերական ժանրին: Այդ նպատակով նա տպագրում է «Թատրոն» յօդուածը, որտեղ հիմնաւորում է այն գաղափարը, որ «Թատրոնի բարոյացուցիչ հանգամանքին բարձրութիւնը ոչ մեկ արուեստ կրնայ հաւասարիլ: Բուն իսկ կեանքն է ան. ապրուածը, իրականը եւ ոչ թէ գրուած, երգուած կամ նկարուած կեանքը»³⁰:

ԺԹ. գարի 90ականների մշակութային կեանքի կարեւոր իրադարձութիւններից մէկը Գատըգիւղում 1892-1894 թթ. Վահան Մալեզեանի (1871-1967) սալոնում կազմակերպուած գրական երեկոյթներն էին, որոնց իրենց վառահեղ ներկայութեամբ շունչ եւ գեղեցկութիւն են հաղորդել մշակութային կեանքի «ոս-

- 30 Մասիս, Կ. Պոլիս 1892, դեկտեմբեր 31, թիւ 3972, 270-271:

կե շրջանի»³¹ մտաւորականների մի շքեղ ծաղկաբոյլ՝ Գրիգոր Զոհրապ, Տիգրան Կամսարական, Լեւոն Բաշալեան, Տիրան Քելեկեան (1862-1915), Եղիա Տեմիրճիպաշեան, Ցովկաննէս Սէթեան (1853-1930), Զապէլ Ասատուր (Միպիլ 1863-1934), Յարութիւն Ալփիար (1864-1919), Ալեքսանդր Փանոսեան (1859-1919), Արշակ Չոպաննեան, Երուանդ Օտեան (1869-1920) եւ ուրիշներ:

Ա. Չոպաննեանը «Անցած օրեր...»ի առաջաբանում իրեն յատուկ պերճախօսութեամբ գրում է. «Վահան Մալէզեան, որ սիրուն գաղափարը յացեր է տարիներ առաջ իր ընտանեկան յարկին տակ տեղի ունեցած գրական երեկոյթներու յիշատակը պահպանող եին տժգունած թղթերու ծրաբը հատորիկի մը մէջ ամփոփելու կ'ուզէ որ յառաջարան մը գրեմ այդ հաւաքածուին համար: Վաղեմի բարեկամիս փափաքը ամենասրտագին ու փութկոտ հանդյանվ կը կատարեմ, որովհետեւ անցեալի վարդերու եւ մեխակներու այդ չորցած թերթերու փունջը իմ ալ պատանութեան գորովագին զգացումի մը՝ որ այդ օրերեն ի վեր սրտիս մէջ կենդանի մնացած է միշտ՝ երապարակային արտայայտութիւն մը տալու քաղցրառիթ մըն է որ կ'ընծայուի՛ ինձի ատոռ: Անձնական տեսակետէն դուրս, բանաստեղծական ժամանցներու, գրական խանդերու այդ նշխարները, ու պատկերը այն միջավայրին ուր երկնուած են անենք, Պոլսահայ համայնքին ոչ միայն գրական շարժման, այեւ կենցաղավարական զարգացման մէկ որոշ ու թանկագին շրջանը կը ներկայացնեն, որ մեր ցեղին դարաւոր գոյութեան ամենէն գեղեցիկ ու բեղմնաւոր բոպէներէն մին է եղած, ու մտքով վերադառնալ այդ բոպէին, այդ օրերուն յուշերը բրերել. Այդ շրջանին գլխաւոր փայլը կազմող ներուժ կամ շնորհ ալ ի դէմքներուն – որ մեծ մասամբ անհետացած են –

31 Պոլսահայ համայնքն ունեցել է երկու «ոսկեշրջան»՝ մէկը ԺԹ. դարի 60-70ական թուականներն էին, երբ ապրել ու գործել են Մկրտիչ Պէշիկ-թաշլեանը, Գրիգոր Օտեանը, Նահապետ Ռուսիննեանը, Յովսէփ Շիշմաննեանը եւ այլ տաղանդաւոր արուեստագէտներ, ազգային եւ մշակութային գործիչներ: Միւսը նայն դարաշրջանի 80-90ական թուականներն էին, երբ Յակոբ Պարոննեանը, Եղիա Տէմիրճիպաշեանը, Հրանտ եւ Զապէլ Ասատուրները, Գրիգոր Զոհրապը եւ շատ ուրիշներ ստեղծեցին իրենց լաւագոյն ստեղծագործութիւնները, երբ սկիզբ առա բարենորոգման մի փայլուն շրջան յանձինս Մուրադ Ռաֆայէլեան, Պերպէրեան, Ազգային Կեդրոննական վարժաններից դուրս եկան գրողների ու մշակութային գործիչների՝ «Արեւելք-Մասիս-Հայրենիք» գրական շարժման համագործակցութեամբ:

խանդաղատագին յարգանքի ողջոյն մը ուղղել, աւելի եւս քաղցր ու նուիրական պարտականութեան մը կատարումն է»³²:

1893ի յունուարից Գր. Զոհրապի խմբագրութեամբ «Մասիս»ը հրատարակուեց որպէս շաբաթաթերթ: Խմբագրական աշխատանքում Զոհրապին օգնել է Տիգրան Արփիարեանը: Զոհրապի խնդրանքով շաբաթաթերթին աշխատակցել են Եղիա Տէմիրճիպաշեանը եւ Կարապետ Իւթիւճեանը (1823-1904):

Տէմիրճիպաշեանը «Մասիս»ում տպագրեց իր «Վերլուծում» յօդուածը: Տիգրան Արփիարեանը հանդէս եկաւ «Յիսուն տարի ետքը. Անջատ յուշեր» յօդուածով, որտեղ անդրադառնալով Զոհրապի հրապարակախօսական գործունէութեանը մատնանշում է, որ նրա «Մասիս»ները՝ «գրական նրբանաշակ ու խնամեալ հատորներ կը կազմեն ուշատ մը գիրքերէ աւելի յարգ ունեինմիշեւ այսօր հայ մատենադարաններուն մէջ»³³: Նոյն թերթում Ենովք Արմէնը (1882-1968) տպագրեց «Նորավեպներ»ը յօդուածը, որտեղ զարդացրեց այն միտքը, որ թէեւ նորավէպեր շատ են գրուել ու թարգմանուել, սակայն միայն «Զոհրապի իր քանի մը նոյն ըմբռնումով վառուած թեւթիկունքովը պիտի հիմներ նշմարիտ նորավեպի դպրոցը. materialiste-ներուն բովանդակ հուժկու կարողութեամբ»³⁴:

1894ի օգոստոսին տեղի ունեցաւ Սասունի հերոսամարտը: 1895ի մայիսի 11ին Կ. Պոլսում Անգլիայի, Ռուսաստանի եւ Ֆրանսիայի դեսպանները Բարձր դուանն են յանձնում Հայկական բարենորդումների ծրագիրը: Նոյն թուականի սեպտեմբերի 20ին Կ. Պոլսում Հնչակեանները կազմակերպեցին Պապը Ալիի ցոյցը՝ պահանջելով իրագործել մայիսեան բարենորդումների ծրագիրը: Հոկտեմբերի 5ից նոյեմբերի 1ը կազմակերպուեցին Հայերի զանգուածային ջարդեր Արեւմտեան Հայաստանի գաւառներում³⁵: Նոյն թուականի հոկտեմբերի 12ին բռնկուեց Զէյթունի ապստամբութիւնը³⁶: Տարեկերջին Կ. Պոլսում սկսում են Հայերի մասսայական-քաղաքական ձերբակալութիւնները: 1896ի յունիսին սկիզբ առան Վանի ինքնապաշտպանական մարտերը

32 ՄԱԼՔՁԵԱՆ, Վ., «Անցած օրեր Յուշամատեան Գատըքէօյի գրական երեկոյթներու (1892-1894)», տպ. գեղարուեստական հայ տպարան, Բարիդ 1927, 9-10:

33 Մասիս, 1902, թիւ 6, 82-83:

34 Անդ, 1901, թիւ 22, 337-340:

35 Անդ, 968:

36 Անդ, 250-261:

թուրքական կանոնաւոր զօրախմբերի դէմ: Հայ ժողովորի պատմութեան մէջ 1894-1896 թուականները մղձաւանջային ծանր տարիներ էին: Բերենք այդ օրերին Կ. Պոլսից յղուած նամակից մի քաղուածք: «Այս օրերս անքիւ ձերբակալութիւններ կ'ըլլան, մանաւանդ գաւառացիներէն: Մարդ մը որ փողոցին մէջ կ'երթա՛յ, բաւական է, որ ոստիկան մը անոր հայ ըլլալը հասկնայ եւ ընդհան- րապէս առանց ուրիշ պատճառի կը ձերբակալեն. Հարցաֆնութիւն կամ մանրամասն խուզարկութիւններ չկան. միայն մարդու անուն եւ ուր տեղացի ըլլալը հասկնալէ վերջ կ'ախորեն. բայց սատանան միայն գիտէ թէ ուր. շատերը ծովին յատակը կ'իջնեն. ցամաք ել- լողներն ալ անօրութենէ կամ տանջանքներէ կը մնոնին...»³⁷:

1896ի օգոստոսի 14ին տեղի ունեցաւ Բանկ Օթոմանիի գրաւումը, որը պատճառ դարձաւ, որպէսզի թուրք ջարդարարները կազմակերպեին հայերի սպանդը Կ. Պոլսում:

Հայ քաղաքական ամբաստաննեալներին դատելու համար սուլթան Համիդի հրամանով ստեղծուեց «Արտասովոր առեան» (Մահքեմեի ֆենքելատէ), որի արձակած վճիռները ենթակայ չէ- ին բեկանման ու վաւերացման: Ատեանը բաղկացած էր վեց թուրք եւ չորս հայ դատաւորներից: Թէաէս Օսմաննեան օրէնս- դրութեամբ վճիռները կայացւում էին ձայների երկու երրորդով, սակայն ատեանին արտօնուել էր որոշումներն ընդունել պարզ մեծամասնութեամբ³⁸: «Արտասովոր առեանը» հայ բանտարկեալ- ներին պաշտպանելու համար ընրտել էր 10 փաստաբան, որոնց մէջ էր նաեւ Գրիգոր Զոհրապը: Լեւոն Լարենցի (Քիրիշճեան 1882-1925) վկայութեամբ՝ «Հայ փաստաբաններուն ամենեն խիզախը գոհրապ, 1894-96-ի դատավարութեան ժամանակ, երբ հայ բա- ղաքական ամբաստաններուն պաշտպանութիւնը ստանձնած էր, բանի բանի անգամներ նախագահական ազդարարութեան եւ մինչեւ իսկ անհատաբար բուրքերէ սպանալիքներ ընդունեց»³⁹, սակայն դա չխանգարեց, որպէսզի Արտասովոր ատեանում պանդուխտ հայերի հետ խիզախաբար պաշտպանէր նաեւ բանտում յայտ- նուած բազմաթիւ հայ մտաւորականների դատը եւ կարողանար մահուան վճիռը փոխարինել բանտարկութեամբ: Այդ մասին Գր. Զոհրապի բազում գրաւումներից բերենք մէկը՝ «Պասմանեան տեմբեր 5, թիւ 35:

37 Դրօշակ, 1895, դեկտեմբեր 25, թիւ 22,8:

38 Թիզամդինն, Կ. Պոլիս 1913, օգոստոս 29/11, թիւ 5107:

39 Արմենիա, 1896, հոկտեմբեր 9/21, թիւ 24, նաև՝ Ազատ քեմ 1905, դեկ- տեմբեր 5, թիւ 35:

(Կարապետ Բասմանեան. 1864-1942) կը յիշեցնէ ինձի, որ ատենով պաշտպանեցի զինքը Պոլսոյ Եղեռնադատ ատեանին առջեւ եւ կը կարծէ որ յաջողեցայ մահուան պատիժը, որ կը ծանրանար իր վրայ, իշեցնել երեք տարուան բանտարկութեան»⁴⁰:

Գր. Զոհրապի կեանքի եւ գործունէութեան գերակշիռ մասն անցել է սուլթան Համիդի բռնատիրական խստակարգի պայմաններում, երբ թուրքիան եւ նրա տիրապետութեան տակ ապրող ազգութիւնները պարտադրուած ապրում էին քաղաքական, տնտեսական, իրաւական եւ մշակութային անասելի ծանր պայմաններում: Երբ 1878 թուականին Բեռլինի վեհաժողովից յետոյ յստակ դրուեց հայերին ֆիզիկապէս ոչնչացնելու եւ «Հայաստանն առանց հայերի» համիդեան ծրագրի իրագործման խընդիրը, բացառիկ ուժ, կամք ու կորով էր պէտք ոչ միայն պայքարելու, այլ նաեւ ստեղծագործելու համար: Զոհրապն այն բացառիկներից մէկն էր, ով պայքարեց հնարաւոր եւ անհնար բոլոր միջոցներով՝ ստեղծագործութեամբ ու հրապարակախօսութեամբ, դատական տարբեր ատեաններում եւ պառլամենտում (պետական ու ազգային), գաղտնի եւ բացայաց իր անձնական կապերն ու յարաբերութիւններն օգտագործելու միջոցներով: Իր հրապարակային ճառերից մէկում քննադատելով համիդեան վարչակարգի ջարդի քաղաքականութիւնը շեշտադրում է, որ այդօրինակ քաղաքականութիւնը բնորոշ է թոյլ եւ յետամնաց պետութիւններին, սակայն անհրաժեշտ է գիտակցել, որ՝ «հալածանելներուն ամենէն աղէտաւորները ջարդերը չեն, այլ անոնք, որոնք կ'ուղղուին մտքի եւ սրտի դէմ: Եւ այդ տեսակի էին 16րդ յօդուածին հաստատումէն անմիջապէս յետոյ հայոց դէմ սկսած հալածանելները»:

Ահա «մտքի ու սրտի» բիրտ հալածանքների դէմ առաջինը պայքարի դրօշ պարզեցին Զոհրապն ու նրա սերնդակիցները, այդ պայքարը դարձնելով նաեւ 80ականների գրական ու մշակութային ստեղծագործութիւնների հիմնական բովանդակութիւնը, որը բացորոշեց այդ լրջանի գրականութեան առանձնայատկութիւններից մէկը: Այս տեսակէտից բնութագրական է «Մասսիս»ում (թիւ 47) տպագրուած «Վերջին Արեւագալը» գեղարուեստական արձակը, որտեղ կոտորածներից յետոյ Զոհրապն առաջինը եւ առաջին անգամ գործածեց նահատակ բառը: «96ի ջարդէն անմիջապէս ետքը, գրում է նա, - գրած յօդուածներս ունէ

40 Սուրհամդակ, Կ. Պոլս 1908, սեպտեմբեր, թիւ 71:

հրապարակագրի համար ներելի յանդգնութեան ամէն սահմանները կանցնէին. ես էի որ այդ յօդուածներուն մէջ խռովողուած հայերը կրցայ կոչել նահատակ»⁴¹:

Բունութեան, անարդարութեան եւ մարդու իրաւունքների ոտնահարման դէմ Զոհրապեան պայքարն ու ընդզումները չէին սահմանափակւում միայն ազգային շրջանակներում: Նա քաջութեամբ պայքարել է նաեւ միջազգային բոնութիւնների, մարդկանց իրաւունքների ոտնահարման, ազգային խտրականութեան, էթնիկ անհանդուժողականութեան ու ռասիզմի դէմ: Այս առումով յատկապէս նշանակալից է ֆրանսիական բանակի հրեայ սպայ Ալֆրեդ Դրեյֆուսի (1859-1935) յայտնի դատավարութեան ընթացքում նրա գրած ընդարձակ եւ հիմնաւոր պաշտպանողականը յօդուտ նրա: Պաշտպանողականը Զոհրապն անձամբ ուղարկել է Փարիզ՝ հրէական սինդիկատի նախագահ Հանրի Ռենաքին՝ 1899ի յունուարին, իսկ ապրիլին ստացել է հրէական սինդիկատի շնորհաւորագիրը եւ Դրեյֆուսի մանրանկարով ոսկէ կոճակ, որը նրան է յանձնել Պոլսի հրէական համայնքի պատուիրակութիւնը⁴²:

Զարեհ Եռուսութեանի (1863-1940) առաջարկով 1893ի յունուարին Զոհրապը հրատարակեց «Մասիս» օրաթերթը⁴³ Սիպիլի եւ Ասսատուրի խմբագրութեամբ: «Մասիս»ի առաւելութիւններից մէկն այն էր, որ յանձինս Զոհրապի նրա շուրջ համախմբուեցին այդ շրջանի անուանի մտաւորականները, գրական եւ հրապարակախօսական մտքի ամենանշանաւոր գործիչները: Այդ շարքում յիշատակութեան է արժանի Յարութիւն Մրմրեանը (1860-1926) «Արմաշ», «Միսամեանիկենսագրութիւն», «Տֆնութիւնք», «Ժպիտք» եւ այլ հրաշակերտ ստեղծագործութիւնների տաղանդաւոր հեղինակը, ում քանդակած պարբերութիւնները «որոնց ցցուածքը ու կարկանները, նիւթը կամ գաղափարը իսկոյն կը յօրինեն կը պատկերացնեն աչքիդ առջեւ. ոսկեզօծ արձակ մը, ոչ կեղծ ու խարդախ փայլով, այլ զուտ ու հարզատ ոսկիի շողիւնով»⁴⁴: Օրաթերթին թղթակցում էր Զարեհ Եռուսութեանը, որը խմբագրում էր Առեւտրական տան կողմից հրատարակուող «Առեւտրական» թերթի Փրանսիական բաժինը: Միաժամանակ հանդէս էր գալիս

41 Ժամանակ, Կ. Պոլիս, 1908, հոկտեմբեր 24/7, թիւ 9:

42 Թիւզանդիսն, Կ. Պոլիս, 1899, մայիս 15/27, թիւ 785:

43 Արեւելքի փակումից յևսոյ Զ. Եռուսութեանը Մասիսը հրատարակել է որպէս օրաթերթ:

44 Ա.Ս.ՏՈՒՐ, Հ., Դիմաստուերմեր, Կ. Պոլիս 1921, 235:

զգայուն, մելամաղձոտ եւ բանաստեղծական շնչով յագեցած չափածոյ ստեղծագործութիւններով:

«Մասիս»ի գլխաւոր աշխատակիցներից էր հանրայայտ բընագէտ, մաթեմատիկոս Յովսէփի Եռևառութեանը (1857-1913), ով «Արա» ծածկանունով հրապարակում էր «սրամնութեամբ եւ հըմտութեամբ գրուած» գիտական քրոնիկներ: Իր նշանաւոր «Ծանօթեմֆեր»ի մէջ Յ. Եռևառութեանի դիմանկարը կերտելիս Զոհրապը գրում է. «Յովսէփի Եռևառութեան այն գիտուններէն չեն որ իին ատենի մոգերուն պէս իրենց սորվածները կը ծածկեն պարզ մահկանացուներէն: Ընդհակառակը, իր ջանելը եղած է գիտական յօդուածներով ... գիտութիւնը ռամկացնել, հասկնալի ու մատչելի, նոյնիսկ հրապուրիչ ընծայել ամէն անոնց՝ որոնք կը կարծեն թէ չոր ու ցամաք անապատ մըն է ան:

... Իրմէ առաջնորդուած եւ իրեն ունկնդրելով, կը հետեւինք համրուն որ գիտութեան համար իրմէ աւելի արժանաւոր մը չէր կրնար բանալ մեր գրականութեան մէջ»⁴⁵: «Պատիկ տոմսեր» խորագրի տակ «Նետ» ծածկանունով «Մասիս»ին թղթակցում էր նաեւ արձակագիր Տիգրան Կամսարականը, որը 1896ի ջարդերից յետոյ քնակութիւն էր հաստատել Եգիպտոսուած:

«Մասիս»ի մշտական թղթակիցներից էր յայտնի գրաբարագէտ, մանկավարժ, խմբագիր Յակոբ Գուրգէնը (Պիպեռնեան-1850-1915), որը հանդէս էր գալիս կ. Պոլսի Հայոց պատրիարքարանին վերաբերող անտիպ տեղեկատուութիւններով ու զուարճալի պատմութիւններով համեմուած շաբաթական քրոնիկներով: Զոհրապը բարձր գնահատելով Գուրգէնի հայկաբանութեան եւ հայագիտութեան մէջ ունեցած ծառայութիւնները եւ գրաբարի անթերի իմացութիւնը, որն իր մէջ ընդելուզում էր Եզնիկ Կողբացու դարերի հեռուներից եկող ոսկեղէնիկ լեզուի հարստութիւնն ու ճոխութիւնը գրում էր. «Ձէ՞ մի որ ամէնքին գրաբարը ուսած ենք նախ. եւ Գուրգէն իր առաջին սիրոյն հաւատարիմ մնացողի արժանիքը ունի գոնե. յետադէմ մէտ, առանց կեղծիքի գէք, ազատ համարձակ յետադէմ մը, որ կոնակը մեզի դարձուցած կը քալէ իր նպատակին. դէայի հինգերորդ դարը, եւ այս կերպով կը տարբերի անոնցմէ, որք՝ որ կողմ երթանուն անգէտ, յառաջ քալելու ձեւեր կ'ընեն, ոտքերթին կը շարժեն առանց տեղերթուն երերալու, երազի մը մէջ եղածի պէս...»⁴⁶:

45 ԳՐԻԳՈՐ ԶՈՀՐԱՊ, ԵԺ, ԽԱ. 1, Է., 1962, 437-438:

46 Ա.նդ., 412:

Մատթէոս Մամուրեանը (1831-1901) խստապահանջ այդ գրաքննադատը, ով ընտրողականութեան խիստ սկզբունքով է գնահատել ինչպէս անցեալի, այնպէս էլ իր ժամանակի գրական ու լրագրական գործի երախտաւորներին, Զոհրապին համարել է «ազգային դիրք եւ տաղանդաւոր ու բանիրուն իրաւաբանի մը անուն ունեցող» անձնաւորութիւն: Անդրադառնալով օրաթերթին խոստովանում է, որ «Մասիսի»ի ուղղութիւնը «օրբատորէ կը շեշտուի»: «Արեւելեան մամուլ»ում Ապրասմ ծածկանունով նա հանդէս է եկել «Գրական զրոյցներ» քննադատական յօդուածով, որտեղ մասնաւորապէս, մատնանշել է: «Երբ Զոհրապ մը կը գրէ եւ կը խօսի, Զոհրապ որու երկարատեւ լուրփիւնը կարծես դատարկմարեան պէս բան մը բերեր եայ օրագրութեան, անտարբերներն անգամ կը սրափին, քաջ համոզած լինելով որ իր շեշտն ունի սեւ և մերք խոր իմաստ մ'որ խորհրդածուրեան կը գրգուէ: իր ոճն... ունի պղպեղ մը որ քիչ կըծելէ եւնեւ կը տաքցնէ, գրիչը՝ սլաք մը որ վերքին եւս դարման մը կը բերէ»⁴⁷: ի նշան երախտագիտութեան եւ փոխադարձ յարգանքի Զոհրապը 1899ի հոկտեմբերի 17ին չնորհաւորագիր է յղել Մ. Մամուրեանին, նրա գրական, հրապարակախօսական եւ մանկավարժական գործունէութեան 50ամեայ յոթելեանի առթիւ:

Գր. Զոհրապն իր նորավէպերով եւ բանասիրական հայեացքներով նշանակալի հետք է թողել ինչպէս իր ժամանակաշրջանի գրողների գրական-գեղագիտական հայեացքների ձեւաւորման, այնպէս էլ հայ գրականութեան զարգացման յետագայընթացքի վրայ ընդհանրապէս:

Տիգրան Արփիարեանը «Մասիս»ում հանդէս է եկել «Անունին հմայքը» յօդուածով, որտեղ հիացմունքով գրել է: «Եթէ չի վախնայի մեր բարեկամին համեստուրիւնը վիրաւորելէ ... պիսի աւելցնելի քէ Զոհրապ, որ հակառակ իր հազուադէպ երեւումներուն, առաջին կարգի վրայ կը մնայ միշտ մեր ժամանակակից գրագէտներու շարքին մեր...»⁴⁸: իսկ երբ «Մասիս»ի յաջորդ համարում լոյս է տեսնում նրա «Փորուրլը» վէպը, Տ. Արփիարեանը այնքան տըպաւորուած էր գրուածքի ազդեցութիւնից, որ «Մասիս»ի 21րդ համարը անձամբ տարել է նրա տուն, սակայն հեղինակին տանը չդունելով, այն թողել է դռնապանի մօտ հետեւեալ երկտողով հանդերձ: «Երբեւ պարզ ընթերցող՝ անկեղծ սխանչացումն նորավէ-

47 Արեւելեան մամուլ, Զմիւռնիա 1898, մարտ 15, թիւ 6, 232-233:

48 Մասիս, 1900, մայիս 20, թիւ 20, 306:

պիդ համար եւ իբրև թերթին խմբագիր՝ երախտագիտութիւնս, որ անկումէ մը փրկեցիր «Մասիս»ը, գրական զարկ մը տալով անոր»⁴⁹:

1902ի նոյեմբերին Կ. Պոլսից Զոհրապին հեռացնելու նը-պատակով կայսերական հրամանագրով նրան նշանակում են Զան-դըրըի կառավարչի օգնական: Դա քօղարկուած աքսոր էր, որի մասին վկայում են նաեւ նրա գրառումները եւ 1908ի օգոստո-սին գրուած հետեւեալ նամակը. «... կառավարութիւնը... հայ, թուրք, պուլկար եւ յոյն քաղաքական ամբաստանեալները դատարաններու առջեւ պաշտպանելու համարձակ եղանակէս զայրացած՝ զիս աֆ-սորելու որոշում տուած էր ասկէ գրեթէ եօթ տարի առաջ»⁵⁰: Զգա-լով աքսորի մօտալուտ վտանգը Զոհրապը դիմում է Պոլսի անգ-լիական դեսպանութիւն՝ նրա «ազդեցութեան մը ներքեւ ապաստա-նելու» խնդրանքով, սակայն ստանում է մերժում⁵¹: Զյուսալը-քուելով նա դիմում է ոռուսական դեսպանութիւն՝ հովանաւո-րութեան խնդրանքով: 1902ի նոյեմբերին նա նշանակում է ոռու-սական դեսպանի օգնականի եւ թարգմանչի պաշտօնում:

1905ի յուլիսի 8ին Կ. Պոլսում Համիդի դէմ կատարուեց մահափորձ, սպանուեց 26, վիրաւորուեց 58 մարդ: Սկսուեց խու-զարկութիւնների եւ ձերբալակութիւնների այնպիսի մի շրջան, որի ընթացքում կարճ ժամանակով ձերբակալուեց նաեւ Զոհրա-պը: Թէպէտ նա շուտով ազատուեց բանտից, սակայն այսուհետ գրանցուեց համիդեան ոստիկանութեան եւ լրտեսների «սեւ ցու-ցակում»:

1906ի հոկտեմբերին Զոհրապը Շուրայի Պետական խոր-հըրդում պաշտպանեց բուլղարացի մի յեղափոխականի դատը, որը պատճառ հանդիսացաւ, որպէսզի Արդարադատութեան նա-խարարի հրամանով նա զրկուէր թուրքական դատարաններում փաստաբանական գործունէութիւնից: Այդ մասին Զոհրապը իր նամակներից մէկում գրում է. «...Շատ մը խորիելէ վերջ Արդա-րութեան գործերու անարդար նախարարը ...առաջարկեց որ ես թէ՝ փաստարանական եւ թէ՝ ոռուսական թարգմանի պաշտօնը չէի կրնար իմ անձիս վրայ միացնել եւ պատուիրեց, որ զիս օսմանեան դատա-րաններու մէջ չընդունին... Երկուտարիէ, որ զիս կարգելէն կոր հաց նարելու...»⁵²: Այս հանգամանքը պատճառ դարձաւ, որպէսզի նա

49 Գար, Գրիգոր Զոհրապի փոնդ, 55/5:

50 Մանզումէի էֆենար, Կ. Պոլիս 1908, օգոստոս 14/27, թիւ 2201:

51 «Ժամանակ», Կ. Պոլիս 1908, նոյեմբեր 6/19, թիւ 20:

52 Արեւմտահայ գրողների նամականի, գրական ժառանգութիւն, գիրք VI, պրակ 1, 46:

առժամանակ հեռանար Պոլսից եւ հաստատուէր արտասահմանում⁵³:

1908ի մայիսին Փարիզում լոյս տեսաւ «Հպատակութեան տարրերութեան աղագաւ ժառանգելու անհնարինութիւնն ըստ օսմանեան օրինաց. իթիլաֆ դար» աշխատութիւնը: 1909ի փետրուարին «Լա Լուա Նուվել» հանդէսը անդրադառնալով սոյն գրքին մատնանշում է, որ նիւթը բարդ է եւ անծանօթ, սակայն շարադրանքի պարզութեամբ ու մատչելիութեամբ հետաքրքիր է եւ, որ հեղինակը հասել է իր նպատակին⁵⁴: Ֆրանսիական «Մատենագիտական նօթեր» հանդէսը նոյնպէս բարձր է գնահատել այս աշխատութիւնը, քանի որ այն հիմնաւոր պատկերացում է տալիս մուսուլմանական իրաւագիտութեան մասին, իսկ «Բիւլետեն բիբլիոգրաֆիկ» թերթն այն համարել է կարեւոր, օգտակար ու գնահատելի, քանի որ ինչ ներկայացուած է գրքում, անծանօթ էր ֆրանսիական իրաւագիտութեանը⁵⁵: 1909 թուականին Կ. Պոլսում Զոհրապը հրատարակեց «Պատմական տեսութիւն» օրէնսդրութեան դասագիրքը (թուրքերէն), որի հիմքում ընկած էր Օսմանեան իրաւագիտական համալսարանում իր կարդացած դասախոսութիւնների նիւթերը:

Գր. Զոհրապը ֆրանսիայի միջազգային պատմութեան ակադեմիական ընկերութեան պատուաւոր անդամ էր: Ընկերութեան կողմից նրան չնորհուել է ոսկէ մեղալ⁵⁶:

1908ի յուլիսին կայսերական հռչակագրով Թուրքիայում վերահռչակուեց 1876ի Օսմանեան սահմանադրութիւնը եւ ընդհանուր ներում շնորհուեց նաեւ քաղաքական այլախոհներին⁵⁷: Բազմաթիւ վտարանդիների հետ Պոլիս վերադարձաւ նաեւ Զոհրապը: Պոլսի թերթերը խանդավառութեամբ արձագանքեցին անուանի մտաւորականի վերադարձը: Այսպէս, օրինակ, «Արևելք»ը գրում է. «Բաղադրի է որ տաղանդաւոր փաստաբանը ձեռք առնել իր գրական եւ իրաւագիտական թեղուն գործունեութիւնը. հիմա որ ամենէն աւելի ասպարեզ կը գտնէ: իր խիզախ գրչին՝ գրականութեան

53 Արտասահմանում ապրած տարիներին մշտապէս գտնուել է քուրքական լրտեսների հսկողութեան տակ:

54 Գար, Գրիգոր Զոհրապի փոնդ, գ. 58:

55 Անդ:

56 Ազատամարտ, Կ. Պոլիս, 1912, թիւ 789:

57 Անդ:

մէջ եւ անկողմնակալ ու նշմարտադատ ունկնդրութիւն դատարան-ներուն մէջ»⁵⁸:

1908-1915 թուականները Գր. Զոհրապի հասարակական, քաղաքական, գրական ու մշակութային կեանքի ամենաբեղուն տարիներն էին, երբ նա թուրքական պառլամենտի եւ Ազգային ժողովի պատգամաւոր է ընտրում գրեթէ բոլոր ընտրութիւններում եւ եռանդուն մասնակցութիւն է դրսեւորում օրէնսդրական աշխատանքներում, հանդէս է գալիս կանոնադրական ընդարձակ ճառերով ու բանախօսութիւններով, տարբեր հարցերի վերաբերեալ եւրոպական չափանիշներով գրուած տեղեկագրերով ու ատենագրութիւններով:

Համիդեան ռազմավարչական բռնատիրութեան պայմաններում Զոհրապը եղել է հայերի կեանքը քիչ թէ շատ տանելի դարձնելու համար պայքարող, համարձակ, ըմբռոստ ու պատկառագրու հասարակական-քաղաքական գործիչ, անզուգական հռետոր ու քննադատ: Նրա պառլամենտական ճառերի մեծագոյն մասը քննադատութիւններ էին օսմանեան վարչակարգի վարած հակամարդկային, հակահայկական ռեակցիոն քաղաքականութեան դէմ:

1909ի մարտի 31ին տեղի ունեցաւ Աղանայի ջարդը, երբ մէկ օրուայ ընթացքում սրի քաշուեց 30 հազար հայ: Հայ մտաւորականներից Զոհրապն առաջինն էր, որ մի խումբ հայ երեսփոխանների հետ թուրքական պառլամենտում հարցապնդում արեց Աղանայի կոտորածի կապակցութեամբ: Իր ելոյթներից մէկում նա խստագոյնս քննադատեց Աղանայի կուսակալ Զեւադ բէյին, ներքին գործերի նախարար Բեուֆ փաշային եւ խորհըրդական Ատիլ բէյին կոտորածի պատասխանատուութիւնից խուսափելու եւ դրանում հայերին մեղադրելու փորձերի համար՝ իբր այդ նախճիրի պատճառը հայերն էին եւ հայկական կուսակցութիւնները: Նա համարձակօրէն յայտարարեց, որ Աղանայի եւ նրա մերձակայ շրջանների կոտորածները թուրքական իշխանութիւնների ձեռքի գործն է, որին նրանք խնամքով նախապատրաստուել էին ամիսներ առաջ:

Նա մարդարէաբար գուշակում էր Հայոց ցեղասպանութեան եւ Մեծ Եղեռնի դարանակալ սարսափները: «Մոլեոանդութիւնը, գրում է նա,- ցորչափ մնայ այս երկրին մէջ... երբեք ապահովու-

թիւն չի կրնար ըլլալ հայերու համար: Աղէտը պիտի ուշանայ, մութին մէջ պիտի սպասէ. Ակնդէւու պիտի սպասէ իր յաւիտենական արիւնաներկ դաշոյնը երեցցնելով...»:

Աղանայի կոտորածի վերաբերեալ նա Օսմանեան խորհրդարան ներկայացրեց առաջարկութիւնների փաթեթ, որով պահանջում էր՝ ա) պետական բիւշէից Աղանայի եւ Հալէպի նահանգներին յատկացնել 20 հազար ոսկի, բ) Աղանայում ստեղծել պատերազմական ատեան եւ պատժել կոտորածին մասնակից մեծ ու փոքր պաշտօնեաններին, գ) Աղանա եւ Հալէպ զօրք ուղարկել եւ այնտեղ հաստատել կայունութիւն եւ անդորրութիւն: Զայնների մեծամասնութեամբ վերոնշեալ բոլոր պահանջներն ընդունուեցին: Նա մասնակցեց նաեւ հայ երեսփոխանների գումարած նիստին, որտեղ որոշում ընդունուեց՝ ա) բողոքել կոտորածի մեղաւորներին ներման արժանացնելու կառավարութեան ծրագրերի դէմ, բ) բողոքել հայկական գաւառներում բանտարկուած ոճրագործներին ներում չնորհելու կառավարութեան փորձերի դէմ, գ) կառավարութեանն առաջարկել, որպէսզի պաշտօնապէս հերքուի Աղանայի զինուորական ատեանի տեղեկագիրն այն մասին, որ իբր նախճիրի պատճառը հայերն են եւ հայկական կոմիտէները⁵⁹:

Անդրադառնալով այդ օրերի իրադարձութիւններին օսմանեան երեսփոխան, ՀՅԴ գործիչ Վահան Փափազեանը (Կոմս.-1876-1973) գրում է. «Յանուն ո՛չ միայն հայ երեսփոխաններու, այլև քրիստոնեայ միւս երեսփոխաններու Զոհրապը կարդաց ձեւակերպուած հարցապնդումը եւ արտասանեց իր ամենէն յաւզիչ եւ սքանչելի նառը: Խարանող բոցեր էին որ կը ժայրքէին իր բերնէն»⁶⁰:

Երուանդ Օտեանը «Մանաւայում» (թիւ 1,11,16) տպագրում է «Գրիգոր Զօհրապ»յօդուածաշարը, որտեղ Զոհրապին համարում է «ազգային ժամանակակից փառքերէն մին», որը «բազմած է հայ մտառականութեան ընտրելախմբին մէջ», ունի «ինքնատիպ, յանդուգն ու պատկերալից ոն»: Նա բարձր գնահատելով Զոհրապի հասարակական-քաղաքական գործունէութիւնը իրաւացիօրէն գլուռում է. «Իբրեւ երեսփոխան Գրիգոր Զօհրապ վարիչ ոյժ մըն է. Ազգային ժողովին մէջ ... Իբրեւ հայ մեապու Զօհրապ Օսմանեան խորհրդարանին մէջ հայ մնացած եւ ամենէն հանդիսաւոր վայրկեաններուն իր ազգին դատը պաշտպանեց առանց վերապահումի:

59 Ազատամարտ, Կ. Պոլիս 1909, յուլիս 9/22, թիւ 26:

60 Ժամանակ, Կ. Պոլիս 1909, 20/3, մայիս, թիւ 155:

Ատանայի ջարդերու պատասխանատուները ճշդելու գործին մեջ երև Զոհրապ չըլլար, թերեւս ջարդուողները յանցաւոր հոչակուէին»: Նկատում է նաեւ, որ Զոհրապը նախ կարողանում է իր շահը տարբերել ազդի շահից եւ ապա ի հարկին դրանք հաշտեցնել միմեանց հետ «առանց մին միւսին զոհելու»: 1909ին կ. Պոլսում լոյս տեսաւ Զոհրապի «Խոհնմուանքի ճայներ» ժողովածուն, որի վաճառքից գոյացած «ամբողջական հասոյթը»յատկացուեց Ադանայում զոհուածների ընտանիքներին:

Պարբերական մամուլում եղել են դրական արձագանքներ այս ժողովածուի վերաբերեալ: Այսպէս, օրինակ, «Ազդակ»ը արձանագրում է. «...տաղանդաւոր հեղինակ-վարպետի պատկերները խոր դիտող եւ զգացնող հոգերանի մը անելուն թախիծով եւ դառնաւրեամբ լեցուած մարդու արտադրութիւնն են, որի գեղարուեստական գործը ո'չ ազգ եւ ո'չ հայրենիք կարող է ունենալ»⁶¹: «Մըշակ»ում սոյն ժողովածուի վերաբերեալ տպագրուել է է ստորագրութեամբ գրախօսականը, որտեղ արծարծուում է այն կարծիքը, որ եթէ Երեսփոխանական ժողովում Զոհրապը «ուղիղ մարդն է», ապա գրականութեան մէջ «սրտի ու խղնի մարդն է», «կորովամիտ տաղանդաւոր գրող» է, որը գրում է «Եւրոպական բիրեղացած նաշակով»: Իսկ «Բիւզանդիոն»ը մատնանշում է, որ Զոհրապին բնորոշ գրաւիչ ու պերճախօս լեզուով գրուած հզօր ու հմայիչ դրուագներ կան իրական կեանքի եւ ազդային բարքերի վերլուծութիւնների մասին: «Նորավէպի այս եզական վարպետը հոգերանական նուրբ բննութեամբ մը կը պարզէ ախտաւորակ կողմը մեր ընկերային կեանքի, երեւան կը բերէ բարդյական եղեւները եւ աղքատին, անպաշտպանին, ինկածին, անիրաւուածին վրդովիչ հակադրութիւնը՝ անսանձ կիրքով անողոք հարուստին եւ ընկալեալ խստարարոյ եւ անտեղի տալի օրէնքներուն, կանոններուն բով»⁶²:

Շատերի նման Գր. Զոհրապին նոյնպէս մտահոգել է Հայկական հարցը: Կանխատեսելով իթթիհատականների հայաշինջ քաղաքականութեան միտումները, սեփական նախաձեռնութեամբ նա մի շարք բանակցութիւններ է վարել տարբեր երկրների դեսպանատների հետ՝ հայկական նահանգներում բարեկարգումներ մտցնելու վերաբերեալ:

Զոհրապի նախաձեռնութեամբ կազմւում եւ Բարձր դռանն է ներկայացւում յիշատակագիր, որում մատնանշում է Վանի,

61 Ազդակ, Կ. Պոլիս 1909, յունիս, թիւ 21:

62 Բիւզանդիոն, Կ. Պոլիս, մայիս, թիւ 3825:

Բաղէշի, Խարբերդի եւ կրպումի նահանգներում տեղի ունեցող հարստահարութիւնների ու ասպատակութիւնների մասին: Վերոնշեալ նահանգներում անդորրութիւն եւ կարգ հաստատելու համար առաջարկում է այդ նահանգներում նշանակել հայ կուսակալներ, ինչպէս նաեւ պատժել իրենց պարտականութիւններում թերացած պաշտօնեաններին ու ոստիկանական սպաններին, դատական պատախանատուններին, ոստիկանների մէջ ընդդրկել նաեւ հայերին, կառուցել երկաթզծեր, հարկադրաբար շէները լքած գիւղացիններին վերադարձնել իրենց պատկանած հողերը, անձեռնմխելի ճանաչել վանքապետական ու դպրոցական հողատարածքները, բիւջէում նախատեսել Աղանայի կոտորածից տուժածներին յատկացնելիք գումար եւ այլն:

1913ի մարտին գրում է «Հայկական հարցը փաստաբ-դրերու լոյսին տակ» Փրանսերէն լեզուով աշխատութիւնը եւ ուղարկում Փարիզ Ա. Չոպաննեանին՝ խնդրելով նրան յանձն առնել «քացարակ գաղտնապահութեամբ» տպագրելու եւ տարածելու գործը:
Այսպէս՝ 1913ի մայիսին Փարիզում Մարսել Լեար ծածկանունով տպագրում է Գր. Չոհրապէ գիրքը, որը բաղկացած էր բուն ուսումնասիրութիւնից (էջ 3-25) եւ յաելուածից (էջ 27-73): Յաւելուածում գետեղուած են 15 վաւերագիր եւ մէկ քարտէզ: Գրքի տպագրութեան առթիւ Ա. Չոպաննեանը գրում է. «Գիրքը տպուեցաւ եւ Ազգային պատուիրակութիւնը զայն դրկեց ամբողջ եւրոպական ու ամերիկեան մամուլին: ... Ոչ ոք գիտցաւ թէ գործին հեղինակը Զոհրապն էր, ոչ իսկ Պողոս Նուպար Փաշան, որուն ըսի թէ ազնիւ ֆրանսացի մըն էր այդ գիրքը յօրինողը»⁶³: Գրքի հրատարակիչը Փրանսիացի Օգիւստ Շալամելն էր: Չոպաննեանը գրքի 100 օրինակ ուղարկել է Պետերբուրգ, Հռոմ, Վիեննա, ինչպէս նաեւ հայկական կոմիտէններին, դեսպանատններին, նախարարութիւններին եւ օրաթերթերի խմբագրութիւններին:

1913ի յուլիսի 26ին «Մշակ»ը (թիւ 162) տպագրում է «Լեարի գիրքը» քրոնիկը, որտեղ ներկայացնում է աշխատութեան կառուցուածքն ու բովանդակութիւնը, բարձրացնում նրա յոյժ կարեւորութիւնը: «Այժմ,- գրում է թերթը,- երբ Հայկական չարաքատիկ հարցը նորից է հերթական դարձել, Լեարի գրքոյնը եւ բոպացու համար ընդհանրապէս եւ մասնաւրապէս ոռւս ընթերցողի համար մեծ հետաքրքրութիւն է ներկայացնում»:

63 Գար, Գրիգոր Զոհրապի Փոնդ, 66, 67/1:

64 Անդ, նաեւ՝ Ամահիտ, 1930, թիւ 3,2:

Գրքոյկի մէջ առկայ է փաստագրական հարուստ նիւթ արեւմտահայութեան քաղաքական վիճակի, մշակոյթի, դպրոցի եւ տնտեսական կեանքի վերաբերեալ: Գիրքը վաւերագրական կարեւոր փաստաթուղթ է ինչպէս ԺԹ. դարի երկրորդ կէսի եւ Ի. դարի սկզբի արեւմտահայ քաղաքական ու մշակութային կեանքի լուսաբանման, այնպէս էլ Հայաստանի նոր շրջանի պատմութեան ուսումնասիրման համար:

Իր քաղաքական հայեացքներով Զոհրապն ունէր ոռուսական կողմնորոշում: Նա քաջ համոզուած էր, որ նոյնիսկ ոռուսական գաղութային քաղաքականութեան պայմաններում նրա տիրապետութեան տակ ապրող ազգութիւնները կ'ունենան ապրելու եւ զարգանալու հնարաւորութիւն, քանի որ «... Ռուսաստանը երիտասարդ երկիր է, ապագայի պետութիւն եւ այն լուծը, որի մասին շատ են խօսում, մշտապէս չի տիրելու այնտեղ»⁶⁵: **Մինչդեռ համոզուած էր, որ Թուրքիայում նոյնիսկ չկային բաւական թուով մարդիկ, որոնք հաւատային նրա վերածնունդին, բնականաբար՝ «Հաշուի մէջ չեն այն 10-20 բախտախնդիրները, - գրում է նա,- որոնց ձեռքն է կառավարութիւնը այսօր եւ որոնք իրենց վերջին atout-ը կը խաղան: Ինչ կ'ուզեմ որ ըլլար այս երկրին վիճակը, երբ գայն վարողները կը կոչուին Թալաար, տոքի, Նազըմ, Պեհատուին Շաքիր, Միտեար Շիքրի, Խալիլ եւ փառատենչիկ սպաներ, որոնք կը կոչուին Էնվեր, Ճեմալ, Ֆերհի, Հագրէ Հոսքեն, երեկուան միւլագիմներ՝ կիսնապետեր՝ Շ. Ռ.) է, այսօր արքայական գերդաստանին փեսայացած կամ դեսպան, երեւակայեցէք, կամ նախարար դարձած»⁶⁶:**

1914ի յուլիսին գերմանիան պատերազմ յայտարարեց Ռուսաստանին: Ակսուեց առաջին համաշխարհային պատերազմը, իսկ յուլիսի 20ին կնքուեց գերմանա-թուրքական գաղտնի պայմանագիրը, որով Թուրքիան վերջնականապէս ընդգրկուեց պատերազմի մէջ: Նոյն թուականի նոյեմբերի 1ին սուլթանի հռչակագրով Թուրքիան պաշտօնապէս պատերազմ յայտարարեց Ռուսաստանին, Ֆրանսիային, Անդլիային եւ Սերբիային: Նոյն օրը թուրք մոլեռանդ ամբոխը քանդեց 1877-1878 թթ. ռուս-թուրքական պատերազմում զոհուած սպաների ու զինուորների յիշատակին կառուցուած յուշարձանը, յարձակուեց «թշնամի տիրու-

65 Մատենադարան, Կաքողիկոսական դիւան, ց. 20, թ. 238, գ. 8:

66 Անդ:

թեանց պատկանող» առեւտրական շինութիւնների վրայ, հողին հաւասարեցրեց ռուսահպատակ Թոքաթլեանի հաստատութիւնը⁶⁷:

Գր. Զոհրապն այդ օրերի դէպքերի մասին գրառումներ է կատարել իր օրագրում, որոնք մեզ համար կարեւոր են նրա քաղաքական համոզմունքների լուսաբանման տեսանկիւնով։ Այսպէս՝ Զիհաղի (Սրբազն պատերազմ՝ Շ. Ռ.) հոչակումը նա համարել է «մեծ կատակերգութիւն», Թոքաթլեանի համալիրի վանդալիզմը պայմանաւորել է ոչ միայն նրա տիրոջ ռուսահպատակութեամբ, այլ նաև «իրրեւ հայ տնտեսական ոյժ մը» լինելու հանգամանքով։ Թոքաթլեանի հաստատութեան վանդալիզմի մէջ նա կանխատեսել է նաեւ «ժամանակի նշաններից» մէկը⁶⁸:

Գր. Զոհրապի գրական ժառանգութեան մէջ մանկավարժական բնոյթի աշխատութիւններ չկան, քիչ է զբաղումը նաեւ մանկավարժական պրակտիկ գործունէութեամբ⁶⁹, այսուհանդերձ նա քաջածանօթ էր ազգային դպրոցի խնդիրներին, եռանդուն մասնակցութիւն է ունեցել այդ խնդիրների լուծման եւ դպրոցի բարեփոխման աշխատանքներին։ Նա գերազանց տիրապետում էր մանկավարժութեան առաջադիմական ուղղութիւններին, ծանօթ էր դասական մանկավարժների աշխատութիւններին եւ նրանց դաւանած մանկավարժական տեսութիւններին։ Բացի դրանից նրա ստեղծագործութիւնները, մասնաւորապէս նորավիճերը գեղարուեստական արժէքներից զատ ունեն նաեւ ուսուցողական, դաստիարակչական եւ՝ հոգեճանաչողական արժէքներ, հետեւաբար անգնահատելի է դրանց դերը հասունացող սերնդի դաստիարակութեան գործում։

Ուուբէն Զարդարեանի (1874-1915) «Մեղրագէտ»ներում, Հրանտ եւ Զապէլ Ասատուրների «Թանգարան»ներում եւ նախակրթարանների բարձր կարգերի համար այլ հեղինակների ստեղծած դասագրքերում գետեղում են Զոհրապի գործերից ընտրանի հաստուածներ՝ «Էջեր ուղեւորի մը օրագրէն», «Ճիտին պարտէն», «Իրիկնամուտք մը Սեւ ծովուն մէջ», «Ալպիմ-մեռնիմ» եւ այլն։

Գր. Զոհրապի գրական ֆենոմենը, նրա անկրկնելիութիւնը եւ հզօրութիւնը իրականութեան եւ երեւոյթների գեղարուեստա-

67 Մկրտիչ Թոքաթլեան, ռուսահպատակ մեծահարուստ, Կ. Պոլսում ուներ հիւրանոցային ու ռեստորանային հաստատութիւնների համալիր։

68 Ամեր, 65։

69 Իրեւ դասախոս Զոհրապն աշխատել է Օսմանեան իրաւագիտական համալսարանում։

կան ընկալման եւ պատկերման հակիրճութեան մէջ էր: Գրական սիւժետային ամբողջական մի համաձուլուածք իր հանգոյցի, կուլմինացիայի, զարգացման եւ լրւծման գեղարուեստական պատճառաբանուած փուլերով ամփոփուած է ընդամէնը մի քանի էջի մէջ: Մրանով պէտք է արժեւորել եւ ընկալել Զոհրապի գրելառը, նրա ուժն ու վարպետութիւնը, որն արտացոլուած է ինչպէս նորավէպերում, այնպէս էլ նրա միւս ստեղծագործութիւններում: Տեղին է մէջբերել Յովկաննէս Ասպետի⁷⁰ Զոհրապի գրականութեանը եւ նրա անձին տուած հետեւեալ բնութագրութիւնը. «Իր բոլոր ըրածը. բողածը, գրածը, խօսածը, գրում է նա.- ուղիղ գիծ է, որոշ կարգէ, կապէ դուրս է բոլորովին եւ այդ իր գլխաւոր յատկանիշը ըլլալով հանդերձ, իր արժանիքն ալ կ'ըլլայ ու կը մնայ... իր գրականութիւնն ալ երկու բառի մէջ կարելի է ամփոփել իր էութեանը պէս. խիզախ ու սաստիկ, թէ՛ ոնք, թէ՛ բովանդակ իր գրական կեանքը խիզախութիւն է»⁷¹:

Իր ճառերում, բանախօսութիւններում, Ազգային ժողովի ատենագրութիւններում եւ հրապարակախօսութիւններում տարբեր ժամանակներում եւ տարբեր առիթներով Զոհրապն անդրադարձել է ազգային դպրոցի բարեփոխման, եւրոպական չափանիշներով կրթական կանոնադրութիւնների եւ ծրագրերի ստեղծման, կնոջ կրթութեան եւ իրաւահաւասարութեան, դպրոցի, ուսուցման ու դաստիարակութեան տեսութեան տարաբնոյթ հարցերի քննարկմանն ու վերլուծութեանը:

Զոհրապի ուշագրութեան կենտրոնում մշտապէս եղել է եւրոպական երկրներում ուսանող հայ երիտասարդութիւնը, նրանց սոցիալական, իրաւական ու բարոյական ապահովութեան հարցը: Օսմանեան խորհրդարանում նա հարցապնդում մտցրեց, որպէսզի եւրոպայում սովորող հայ երիտասարդների հանդէպ զինուորագրութեան օրէնքը պարտադիր չհամարուի եւ նրանց տրուի հնարաւորութիւն ուսումնառութիւնը աւարտին հասցնելու համար:

Եւրոպայում սովորող երիտասարդութեանը օգնելու նպատակով Զոհրապը մշակեց «Եւրոպական հայ ուսանողական հաստատութիւնը» խորագրով ծրագիրը, որտեղ սահմանում է հաստատութեան նպատակն ու խնդիրները. «Հաստատութեան նպատակն է հայ երիտասարդութեան, պատանութեան եւրոպական զարգացում

70 Օննիկ Զիփր, Սարափ (Յովհաննէս Ասպետ.-1879-1932) արձակագիր, իրապարակախօս:

71 Մասիս, 1901. թիւ 20, 307-308:

տալ (գիտական, արհեստագիտական եւ գեղարուեստական), դիւրինացնելով եւ ապահովելով հայ պատանութեան եւ ուսանողութեան բնակութիւնն ու սեռունդը Եւրոպայի զանազան կեդրոններու մէջ»: **Ծրագրում ըստ սովորողների ուսումնառութեան տարիների սահմանուել է նաեւ օգնութեան ձեւերն ու չափը⁷²:**

Գր. Զոհրապը բազմիցս մասնակցել է կ. Պոլսի թաղային եւ մասնաւոր վարժարանների տարեվերջեան հանդէսներին եւ մրցանակաբաշխութիւններին: Բարձր գնահատելով դպրոցի դերը ազգի գոյապահպանման գործում նա իրաւացիօրէն կարծում էր, որ դպրոցը «մեզ նշմարտապէս ազգային ու վաղորդայնի կեանքին պատրաստող հաստատութիւն մըն է», հետեւաբար պահանջում էր դպրոցների համար ստեղծել անհրաժեշտ նիւթական միջոցներ, բարելաւել ուսուցիչների սոցիալական պայմանները, բարեփոխել կրթական ծրագրերն ու դասագրքերը՝ գիտական ու գործնական ժամանակակից պահանջներին համապատասխան: Այդ նպատակով նա օսմանեան խորհրդարանում բարձրացրեց վանական հասոյթների մատակարարման արմատական բարելաւման հարցը, որպէսզի դրանք յատկացուեն կրթութեանն ու լուսաւորութեանը, նըպաստեն ազգային դպրոցի գարգացմանն ու բարգաւաճմանը:

1913ի սեպտեմբերի 27ին Զոհրապն Ազգային ժողովի ատենապետ Նազարէթ Տաղաւարեանին⁷³ է ներկայացնում կրթական խնդրի մասին առաջարկներ, միաժամանակ մատնանշելով, որ «Հայութեան վերականգնումը միայն բաղաքականութեամբ ձեռք չի կրնար քերուիլ, անոր մէջ մեծագոյն բաժինը դարձեալ կրթութեան կ'ինայ»: **Մշակում է 16 յօդուածից բաղկացած ընդարձակ ծրագիր, որն ունէր երեք բաժին՝ ա) ազգային վարժարաններ, բ) օտար վարժարաններ, գ) լրացուցիչ միջոցներ:**

Առաջարկում է քուէարկութեան դնել հետեւեալ յօդուածները.

ա) Պատրիարքարանում ստեղծել կրթական դիւան, բ) վարչութեանը արտօնել կրթութեան համար տարեկան տրամադրել

72 Գր. Զոհրապի մօտ այդ գաղափարը յդացել էր 1909-1912 թուականներին, երբ ապրելով Փարիզում եւ եւրոպական այլ բաղադրերում՝ մօտիկից տեսել ու հաղորդակից էր դարձել հայ ուսանողութեան սոցիալական դժուարութիւններին ու կարիքներին:

73 Նազարէթ Տաղաւարեան (Զատրինան 1862-1915), թժկագիտութեան դոկտոր, գիտաբնես, մանկավարժ, խմբագիր, ազգային եւ օսմանեան եթեսփոխան, ուսմկավար կուսակցութեան ականաւոր գործիչ:

400 ուկի, գ) Կրթական դիւանը կազմել եւ նրա աշխատանքները սկսել 1914ի յունուարի 1ից:

Որոշուեց սոյն վաւերագիրն ուղարկել Դաստիարակութեան դիւանին, որի անդամներն էին ազգային երեսփոխան, կրթական գործիչ Մարկոս Նաթանեանը եւ Հրանտ Ասատուրը: 1914ի ապրիլի 8ին Ազգային ժողովի հերթական նիստում ընթերցուեց կրթութեան հարցերի մասին Զոհրապի առաջարկների վերաբերեալ Դաստիարակութեան դիւանի տեղեկագիրը: Դիւանը ներկայացրեց Յ կէտից բաղկացած օրինագիծ՝ ա) Պատրիարքարանը հաստատում է Կրթական դիւան, բ) Նորաստեղծ դիւանը պէտք է զրադուի արեւմտահայութեան կրթութեան գործով «ըստ այն երահանգին, որ պիտի պատրաստուի Ազգային վարչութեան կողմէ Զօհրապ էֆ առաջարկութեան հիմերուն վրայ», գ) Վարչութիւնը պէտք է այդ նպատակին յատկացնի տարեկան 40 հազար դրուշ:

Օրինագիծը մտցում է օրակարգ՝ յետագայում՝ քննարկելու համար⁷⁴:

Բիւզանդ Քեչեանի (1859-1927) «գործ կայ, գործող չկայ» խմբագրականի առիթով Զոհրապը «Արեւելք»ում տպագրեց «Դարավերջին դաստիարակութիւն»յօդուածը, որտեղ ոչ միայն յստակօրէն սահմանեց ազգային դաստիարակութեան նպատակը եւ խնդիրները, այլև նաև մերժեց Քեչեանի այն տեսակէտը, ըստ որի «Վարժարան վաճառականութեան զրադման ընդունակ պատրանիներ պէտք է պատրաստեն»: Ինչպէս Ալիշանը Զոհրապը նոյնպէս համաձայն չէր կրթութեան նիւթապաշտական ոգուն «Ո՛չ,- գրում է նա, - դպրոց չեն երթար տղաք, որպէսզի առակ շահելու համբան սորվին, ո՛չ այդ շահամոլ ոգին չի պիտի առաջնորդէ երթեք հայ մանկուոյն. տղան պիտի երթայ հոն նախ մարդու եւ բաղաքացւոյ գիտելիքը սորվելու»⁷⁵: Նա առաջ քաշեց այն գաղափարը, որ դպրոցի նպատակը եւ առաջնահերթ խնդիրը ազգային նկարագիր ունեցող եւ ազգային շահերով ապրող մարդու դաստիարակութիւնն է, որը պահանջում է «մեծագոյն մտառրական զարգացումը ձեռք բերելու», իսկ մայրենի լեզուն ու գրականութիւնը պէտք է գերիվեր մնան ամէն ուսումն եւ գրագիտութենէ»:

Ուէթէոս Պէրպէրեանը (1848-1907) բարձր գնահատեց Զոհրապի «Դարավերջին դաստիարակութիւն»յօդուածը, այն համարեց «զայրոյթի աղաղակ», պաշտպանեց նրա առաջադրած մանկա-

74 Բիւզանդիոն, 1914, 19/2 մայս, թիւ 5328:

75 Արեւելք, 1890, դեկտեմբեր 11/23, թիւ 2072:

վարժական դրոյթները, իսկ «... նախ մարդու եւ քաղաքացուոյ գիտելիքը սորվելու» պահանջը նա գնահատեց դպրոցի նպատակի «քաջ սահմանում»⁷⁶:

Զոհրապը երիտասարդութեանը ազգասիրութեան եւ այլասիրութեան կոչ է անում. «Սիրենի Հայաստանը ոչ միայն անոր համար որ մեր հայրենիքն է այն այլեւ անոր համար նաև, որ դըժրախտ եւ ցաւագին է այն»⁷⁷: 1913ի հոկտեմբերի 13ին հայ գրի ու տպագրութեան յորելեանական հանդէսում արտասանած իր ճառում մատնանշում է. «Երբ ուշադրութեամբ հետեւինք հայ պատմութեան, կը տեսնենք, որ գրի գիւտը հայուն գրյութեան ամենամեծ ազդակը եղած է... Եթէ քննենք ազգի մը իյնալու պատճաները, պիտի տեսնենք թէ ա'յն ազգը որ եսականութեամբ օժուուած է որքան յոյս եւ կենդանութիւն ալ ունենայ իր մէջ, նորէն կ'իյնայ այդ ազգը: Իսկ երբ եսականութեան տեղ այլասիրութիւն եւ ազգասիրութիւն տիրէ, որք'ն ալ յուսահատ ըլլայ այդ ազգը նորէն չը մեռնիր»⁷⁸:

Գր. Զոհրապն իր հոգու եւ մտքի բոլոր թելերով ընդելուգուած էր ինչպէս իր ժողովրդին, այնպէս էլ ազգային դպրոցին: «Հոմ քոլեն» յօդուածը, որտեղ ներկայացնում է ամերիկեան սոյն դպրոցի կրթական հանդէսից ստացած տպասորութիւնները, ուրախութեամբ արձանագրում է, որ այդ «օտար հարկի տակ» պահպանուել եւ հնչել է հայ լեզուն: Նոյն թերթում Ռ. Պէրպէրեանը հանդէս է եկել «Կիրակնօրեայ խօսքեր» նօթագրութեամբ, որտեղ մանկավարժական տեսանկիւնից արժեւորել է Զոհրապի «Հոմ քոլեն» յօդուածը, հեղինակին համարելով «ազգին ամենեն զարգացնեալ միտմերէն մին»⁷⁹:

Գր. Զոհրապի ուշադրութեան կենտրոնում մշտապէս եղել են ոչ միայն ազգային դպրոցները, այլ նաև ապաստարան-որբանոցները, Հայոց ազգային հիւանդանոցը, մշակութային կենտրոնները, որոնց աջակցել է ինչպէս դրամական մշտական նուիրատուութիւններով, այնպէս էլ Օսմանեան խորհրդարանում եւ Ազգային ժողովում իր պատգամաւորական մանդատով: Այսպէս, օրինակ, ազգային երաժշտութիւնը քաջալերելու նպատակով առաջարկել է մրցանակներ շնորհել եւ պարգեւներ յատկացնել⁸⁰: Օս-

76 Մաղիկ, Կ. Պոլիս 1890, դեկտեմբեր 15, թիւ 14:

77 Ժամանակ, Կ. Պոլիս 1913, հոկտեմբեր 14/27, թիւ 1604:

78 Անդ:

79 Արեւելք, Կ. Պոլիս 1892, ապրիլ 15/27, թիւ 2447:

80 Բիւզանդիոն, Կ. Պոլիս 1911, մայիս, թիւ 4431:

մանեան խորհրդարանի նիստում պահանջել է աւելացնել Հայոց ազգային հիւանդանոցի նպաստը, որը օսմանեան սահմանադրութիւնից յետոյ աւելի սուղ էր քան Համբդի օրօք։ Այդ մասին նա գրում է. «Եթէ այսօր կայ ազգ մը, որ ամենէն աւելի մեր համակրանքին առարկայ ըլլալու է, այն անպաշտպաններուն ազգն է ... Եթէ կայ ազգ մը, որ մեր ամենու բարեգրութեան արժանի է, ատիկա անօգնականներուն դասն է»⁸¹:

«Անօգնականներուն դասի» առաջին շարքում հայ որբ երեխաներն էին, որոնց հանդէպ Զոհրապի գթասրտութիւնը սահմաններ չի ունեցել։ Այսպէս, օրինակ, այնքան սերտ էր Զոհրապի կապը Գարակէօզեան որբանոցի սաների հետ, որ երեխաները նրան նուէր են ուղարկել իրենց պատրաստած ձեռքի աշխատանքները։ Անուանի մտաւորականը իր հերթին շնորհակալական նամակի հետ ուղարկել է նաեւ դրամական նուիրատուութիւն երեխաներին⁸²։

Հայ աւանդական ընտանիքի ամրութեան պահպանման համար Ազգային ժողով ներկայացրեց առաջարկութիւնների ծաւալուն փաթեթ՝ հանդէս գալով ամուսնական հարցերի մասին դատական կանոնաւոր կազմակերպութիւն ստեղծելու առաջարկով⁸³։

Զոհրապի առաջադրած մանկավարժական կարեւոր հիմնահարցերից մէկը ընտանիքի, կնոջ իրաւահաւասարութեան եւ աղատագրութեան հարցն էր։ Նա կարեւորում էր «կին ու այր հաւասար սկզբունքը», պաշտպանում էր կանանց եւ երեխաների իրաւունքները։ Ամուսնական անհաւատարմութեան հարցում նրա կարծիքով չպէտք է մեղքը բարդել միայն կնոջ վրայ, պէտք է լսել նաեւ նրա խօսքն ու պատճառաբանութիւնները։ Պահանջում էր, որպէսզի արտամուսնական կապերից ծնուած երեխաները անպայանօրէն իրաւական պաշտպանութիւն գտնէն։ Նա իրաւցիօրէն պնդում էր, որ «Ընտանիքին իրաւունքները կը պատկանին ոչ միայն այր մարդուն, այլև կնոջ ու տղոց» եւ համոզուած էր, որ թէպէտ իր մտքերը հակառակ են եւ «գուցէ համաձայն չեն Ղուրանին կամ Շերիին», սակայն համաձայն են «Արդարութեան եւ Սահմանադրութեան սկզբունքներուն»։ Անդրադառնալով կնոջ իրաւահաւասարութեան եւ ազատագրութեան հարցերին Զոհրապը համարձակօրէն յայտարարում է. «Ես ամենէն մեծ յանցանքը

81 Ազատամարտ, Կ. Պոլիս 1911, մայիս 13/16, թիւ 4433։

82 Արեւմուահայ գրողների նամականի, էջ 53։

83 Ազատամարտ, 1910, յուլիս 14/2, թիւ 27, թիւ 333, 206-207։

այր մարդուն քով կը գտնեմ՝ նոյնիսկ ընկերային արդի պայմաններու տեսակէտեն, վասնզի այրերը շատ աւելի դիւրութիւններ ունեն, քան կիմները իրենց ուզածին պէս ապրելու։ Տակափն պէտք եղածէն ալ աւելի անդին կ'անցնին, այն ատեն աւելի պէտք է պատիժ կրելու ըլլան, քան կիմները»⁸⁴:

Այսուհանդերձ կնոջ ազատութեան եւ կրթութեան հարցում Զոհրապն ունէր խիստ պահպանողական դիրքորոշում։ «Հայրենիք»ում տպագրեց «Ինչու՞ էրիկ մարդիկ չեն ամուսնանար շատ ուսեալ աղջկներու հետ» յօդուածը՝, որտեղ զարգացնում է այն գաղափարը, որ կնոջը պէտք է սիրել սրտի եւ ոչ մտքի համար եւ յայտնում է հետեւեալ տարօրինակ կարծիքը՝ «Ուսեալ կին մը՝ կին ըլլալէ կը դադարի իմ աչիխ»։ Ռ. Պէրպէրեանը նոյն թերթում հանդէս է գալիս «Ուսեալ կինը» քննադատական յօդուածով, որտեղ ընդդիմանում է Զոհրապին, մասնաւորապէս մատնանշելով։ «Քիչեր կան ձեզ նման բազմանիւլ հմտութիւն ստացած. մէկէ աւելի վկայականներ ունիք ձեր գրպանին մէջ, լեզուագէտ, քանակագէտ, իրաւագէտ, գրագէտ, վիպագիր ու երապարակագիր էք, մէկ քառով զարգացեալ մտքերէն մին էք դուք»⁸⁵ եւ զարմանք է յայտնում, որ նրա պէս մտաւորականը կարող է այսօրինակ անհիմն ու զաւեշտական տեսակէտ յայտնել կնոջ մասին։ Նրա դէմ քննադատական յօդուածով հանդէս եկաւ նաեւ Սիպիլը։ «Հայրենիք»ում նա տպագրեց «Ուսեա՞լ թէ անուս» յօդուածը, որտեղ նկատի ունենալով Զոհրապի յետադիմական ըմբռնումներն այդ հարցի վերաբերեալ գրում է։ «Ըսել թէ աղջիկ մը պէտք է տգէտ ըլլայ, թէ պէտք է իր միտքը վայրենի անտառներու պէս անտաշ ու անյարդ մնայ՝ այն միակ մնդքն է, զոր չենք կրնար ներել մինչեւ իսկ ամենեն շատ շփանալու իրաւունք ունեցող գրիչներուն»⁸⁶:

Զոհրապը «Մասիս»ում տպագրեց «Մեր աղջկանց» վարժարանները յօդուածը, որտեղ առաջ քաշեց ընտանեկան դաստիարակութեան եւ ընտանիքի բարոյահոգեբանական հարցեր։ Նա պահանջում է ուսուցման բովանդակութեան մէջ մտցնել յատուկ առարկայ (Ընտանիքագիտութիւն՝ Շ. Ռ.), որը բացի կարուճեւից, երաժշտական գործիքների վրայ նուագելուց աղջիկներին

84 Թիւզանդիին, 1911, ապրիլ 6/19, թիւ 4404, նաև՝ Ազատամարտ, 1911, ապրիլ 6/11, թիւ 557:

85 Հայրենիք, կ. Պոլիս 1892, թիւ 130:

86 Հայրենիք, 1992, փետրուարի 16/23, թիւ 145, 152:

87 Անդ, 1892, մարտի 7, թիւ 165:

կը պատրաստի ապագայ ընտանիքի համար, նրանց մէջ կը դաստիարակի ընտանեսիրութիւն, մաքրակենցաղութիւն, տնտեսավարութիւն եւ այլն: Նա իրաւացիօրէն գտնում էր, որ իգական վարժարաններն աղջիկներին պէտք է ծանօթացնեն «էրիկ մարդ արարածի գոյութիւնը ...կանուիէն բացատրեն անոր հետ իբրև մայր, բոյր կամ կին ունենալիք անհրաժեշտ կապերը, յարաբերութիւնները, փոխադարձ երջանկութեան նպատակովը այդ կապերը մաքուր եւ ամուր պահելու պէտքը սորվեցնեն յատուկ գիտութան մը պէս»^{88:}

«Մասիս»ում մէկը միւսի ետեւից տպագրում են նրա յօդուածները մանկավարժութեան տարբեր հիմնահարցերի շուրջ: Այսպէս, օրինակ, «Ուսուցչական ժողով» յօդուածում Զոհրապը քննադատում է մանկավարժական գործընթացի միօրինակութիւնը, ուսուցիչների խանդակառութեան եւ տարակարծութեան բացակայութիւնը: Ուսուցչական ժողովը պատկերաւոր ձեւով նա համեմատում է «միօրինակ հագուստների» հետ, որոնք փորձում են «ամէնուն պատշաճնեցնել» կամ մուճակի «որուն մէջ ամէնուն ոտքը սղմելու դատապարտուած ըլլայ»: Յօդուածի վերջում Զոհրապը ներկայացնում է գործնական առաջարկներ դաստիարակութեան եւ կրթութեան վերաբերեալ^{89:} «Վարժարանաց շուրջը» յօդուածն ուղղուած է ձեւական ուսուցման դէմ, երբ տարեկերջեան քննութիւնները վեր էին ածում ցուցադրական միջոցառումների՝ դառնալով «պարզ ձեւականութիւն մը»: Նա դպրոցներից պահանջում էր: «Տասնի տեղ երկու շրջանաւարտ տուեք մեզի, բայց լուրջ եւ տոկուն հոգիներ ըլլան երկուքն ալ»^{90:}

«Ուսուցիչներ» յօդուածում առաջ է քաշում բարձրակարգ ուսուցիչներ պատրաստելու խնդիրը, առաջարկում է նրանց գործուղել եւրոպա՝ մասնագիտական կրթութիւն ստանալու: Նա պնդում էր, որ տեսական կրթութեան հետ մէկտեղ սովորողները պէտք է ստանան նաեւ գործնական եւ մասնագիտական հիմնաւոր կրթութիւն^{91:}

«Կրթական կանոնագիր» յօդուածում բանավիճում է Ռ. Պէտքեանի հետ՝ «Ուսուցիչներ» յօդուածի վերաբերեալ նրա արած դիտողութիւնների շուրջ^{92:} «Առաջ թէ ետ» յօդուածում

88 Մասիս, 1892, յուլիսի 11, թիւ 3964, 141-142:

89 Անդ, թիւ 3967, 189-190:

90 Անդ, թիւ 3981, 289-290:

91 Անդ, թիւ 3994, 327-338:

92 Անդ, թիւ 3996, 376-377:

անդրադառնում է ուսուցիչների սոցիալական վիճակին, համակարծիք չէր նրանց հետ, ովքեր հաւասարացնում էին, որ իբր ուսուցիչների բարոյական եւ նիւթական վիճակը բարուքուել է: Մինչդեռ Զոհրապի կարծիքով ուսուցիչները դեռեւս «արժանապատութեան տեսակետով շատ պակաս են» նախորդ սերնդի «պատուելիներից», ընկրկում են գժուարութիւնների առջեւ, չեն պայքարում «քաղական անիրաւութեանց դէմ», եւ շարունակում են հանդուրժել հոգաբարձուների, թաղային «հեղինակութիւնների» եւ այլոց նուաստացումները եւ այլն⁹³:

«Աւելը» յօդուածով հասարակութեան ուշադրութիւնը հրաւիրում է դպրոցների եւ ուսուցիչների «ողորմելի գործունեութեան» վրայ, ուսումնական խորհրդից պահանջում է. «Թող Աւելը ձեռքը առնել... եւ մաքրէ մեզ ի չորս գործողութիւն չգիտցող քուարաններէ եւ ուղղագրութիւն չորվող հայկարաններէ»⁹⁴: Հ. Աստուրի վկայութեամբ սոյն յօդուածը «ահագին աղմուկ է» առաջացրել, սակայն գտել է մեծ ընդունելութիւն: «Աւելէն ետքը» յօդուածում պաշտպանում է այն գաղափարը, որ «ուսուցչութիւնը ունէ մասնագիտութեան աւելի քան մըն է», հետեւաբար՝ անհաժեշտ է ոչ թէ Վարժապետանոց բացել ինչպէս ծրագրել էր Ռւսումնական խորհուրդը, այլ ամէն տարի մի քանի արժանաւորների գործուղել Եւրոպա «որպէսզի պէտք եղած ուսումը ու զարգացումը առնեն»⁹⁵:

«Գերմաններէնը մեր վարժարաններուն մէջ» յօդուածում⁹⁶ մատնանշում է, որ չպէտք է հրապուրուել միայն ֆրանսերէնով, անհրաժեշտ է ուշադրութիւն դարձնել նաեւ այլ լեզուների, մասնաւորապէս գերմաններէնին, որի իմացութիւնը կարեւորում էր ինչպէս գիտական ու գեղարուեստական, այնպէս էլ գործնական կեանքի առումով:

Ի շարս բազմաթիւ հարցերի Զոհրապն անդրադաճել է նաեւ աւագ ու կրտսեր սերունդների փոխյարաբերութեան հարցին, մի հարց, որը նոյնքան հին է որքան մարդկային հասարակութիւնը եւ որի արմատները հասնում են մինչեւ անտիկ շըրջանները: Այդ կապակցութեամբ «Հայրենիք»ում (1892, յունուարի 9, թիւ 107) տպագրում է «Մեծերը եւ պատիկները մեր հասարա-

93 Անդ, 1893, թիւ 4003, 481-482:

94 Մասիս, 1898 փետրուարի 9/21, թիւ 7:

95 Անդ, փետրուարի 10/22, թիւ 8:

96 Անդ, մայիսի 6/18, թիւ 79:

կութեան մէջ» յօդուածը, որտեղ ըստ ամենայնի կարեւորելով աւագ սերնդի դերը, նրա ձեռքբերումները ինչպէս գրականութեան եւ արուեստի մէջ, այնպէս էլ հասարակական կեանքի բոլոր ասպարէզներում, այսուհանդերձ իրաւացիօրէն նրանց մեղադրում է կրտսերների եւ նրանց նախաձեռնութիւնների հանդէպ անտարբեր մնալու, քամահրանքով վերաբերուելու եւ վստահութիւն չցուցաբերելու մէջ, մինչդեռ նրանք «ազգային ասպարէզին վրայ կ'երեւան հնչեցնելով, ուժգին հնչեցնելով իրենց ոսկոյ դէքերն»:

Այսպիսով՝ ակնյայտ երեւում է, որ ժամանակի մամուլը⁹⁷ հեղեղուած է Զոհրապի ծրագրային յօդուածներով ու խմբագրականներով, որոնց հանդամանալից վերլուծութեամբ՝ իրաւաբանփաստաբանի, դիւանագէտ-օրէնսգէտի, քննադատ-հրապարակախոսի, բանաստեղծ-նովելիստի կողքին իր ամբողջ վեհութեամբ մեր առջեւ վեր կը յառնի լուսաւորութեան, դպրոցի եւ կրթութեան մեծ ջատագովի պայծառ կերպարը:

Համաշխարհային պատերազմը նպաստաւոր պայմաններ ստեղծեց իթթիհատականների փայփայած վաղեմի ծրագրերն իրագործելու համար: Այդ ծրագրերի կարեւոր մասը Պոլսի մտաւորականների զանգուածային ձերբակալութիւններն ու աքսորի ճանապարհին նրանց հետ թուրքավարի հաշուեյարդար տեսնելն էր:

1915ի ապրիլի 24ին ոստիկանութիւնը նախապէս կազմած ցուցակներով Պոլսում ձերբակալեց 235 մտաւորականների, այդ թւում նաեւ Կոմիտասին (1869-1935), Սիամանթոյին, Դանիէլ Վարուժանին (1884-1915), Ռուբէն Սեւակին (Չիլինկիրեան-1885-1915), Ռուբէն Զարդարեանին, Նազարէթ Տաղաւարեանին եւ այլոց: Յետագայ օրերին ձերբակալութիւնները շարունակուեցին ինչպէս Պոլսում, այնպէս էլ արեւմտահայ գաւառներում: Ձերբակալուածների թիւը հասաւ 800ի, որոնց ուղարկեցին Այաշ ու Զանդըրի⁹⁸: Այդ օրերի ձերբակալութիւնների մասին Զոհրապը արձանագրում է. «Ես, ահա, ազատ, դեռ այս ճերբակալուածներուն գլուխ կը գտնուիմ եւ գիտեմ, թէ ինչ պատճառով ինձի խնայուած է»⁹⁹:

97 Մեր կողմից դիտարկուել է ընդամենը «Մասկս»ի մի քանի համարներում Զոհրապի տպագրած յօդուածները, մինչդեռ այդ շրջանի արևումտահայ մամուլը լեփ-լեցուն է նրա հրապարակած մանկավարժական յօդուածներով, որոնք կարիք ունեն համակարգման, ամրողացման եւ մանկավարժական լուրջ հետազոտման:

98 ՀՃՊ, հա 6, 553-554:

99 Անդ:

Մակայն նրան էլ չխնայեցին...

Մայիսի 20ին Բերայի ոստիկանապետը մի խումբ մառլզերիստների հետ ձերբակալում է Զոհրապին եւ տանում Ղալաթասարայի ոստիկանատուն, որտեղից չորս զինուորի, գաղտնի ոստիկանի եւ ոստիկանական կոմիտէի ուղեցկութեամբ շոգենաւով տեղափոխում են Հայդար փաշայի կայարան։ Նոյն օրը առաւօտեան նրան նստեցնում են գնացք, գաղտնի ոստիկանների ու կոմիտարի ուղեցկութեամբ ճանապարհում են Գոնիա¹⁰⁰։ 1915ի յուլիսի 16ին նրան տեղափոխում են Ուրֆա, որտեղ թուրքական իշխանութիւնների գաղտնի հրամանով սպանում են ճանապարհին։ Թուրքական իշխանութիւնների հրահանգով ստեղծում է կեղծ տեղեկագիր, ըստ որի իբր Դիարբեքիր մեկնելու ճանապարհին «սրտի հիւանդութենեն կաբուածահար եղած է»¹⁰¹։

Յօդուածն ամփոփենք Ալպոյաճեանի ցաւով՝ արձանադրուած, սակայն հպարտութիւն ներշնչող հետեւեալ քաղուածքով՝ «Արիւնարբու վոհմակի մը եւ կատաղի գազաններու ձեռքով զինուած արիւնկզակ ոնրագործը, գեներուն ամենէն նախնականովը՝ անտաշ ու կոպիտ ժարով նզմած էր իմացականութեան գործարանը՝ ուղեղը. հանճարեղ մարդուն՝ որ պատիւն էր իր ցեղին որուն ամեն բանէն առաջ միտքը շախչախել կ'ուզէին։

Ապագայ Անկախ Հայաստան երէ իր մտացի ու վառվոուն այս զաւկին բաղդը չպիտի ունենայ ընծայելու երեսփոխանական արող կամ նախարարական պաշտօն եւ Հայեր՝ Վերածնուող Հայրենիքին մէջ երջանկութիւնը չպիտի ունենան լսելու իր կենդանի ու աշխոյժ խօսքը, որ միայն ինքը գիտէր ընել, գէք ապագայ սերունդներ պիտի կարդան եւ միշտ պիտի յիշեն զինքը իբր մէկը անոնց որ իր ժաղաքակրթութեան շէնքը հիւսեցին եւ անոր ազատագրութեան փառաւոր գործը երկնեցին...»¹⁰²։

ՇՈՂԻԿ ՈՍԿԱՆԵԱՆ

100Գաբ, Հոկտեմբեր Անդրիմկիւեանի ֆոնդ, թ. 3/5:

101Ա.Լ.ՊՈՅԱՃԵԱՆ, Ա., Ամենատացող դէմքեր, Գրիգոր Զոհրապ (իր կեամբը եւ իր գործը), Կ. Պոլիս 1919, 247-248:

102Անդ, 252:

Summary

GRIGOR ZOHRAP AND HIS TIME (1861-1915)

SHOGHIK VOSKANIAN

150th birth anniversary of G. Zohrap will be celebrated on June 2011. This article is devoted to his life and carrier, to the interpretation of this famous writer, journalist and layer's activities, and to his national and pedagogical opinions.

G. Zohrap lived a short but significant and rich life. He was a man having exceptional capacities and unlimited intellectual possibilities, which remarkable evidence is given by his works' variety: poetry, fiction, journalism, edition of books, literary criticism, biographies; he was also a layer, orator, national and statesman, which evidently shows the he was a man of enigmatic life, a man "unique in his exceptionality and who remained unique until the end". No one of his contemporaries ever has been so deeply studied as G. Zohrap. He is one of the most investigated, but never definitely studied, and one of the most interesting figures of the Western Armenian culture.

The most part of the life and activities of G. Zohrap took place during the tyrannical regime of Sultan Hamid, while Turkey and nations under its domination were constrained to live in awful conditions of unspeakable juridical, economical and cultural pressure. In 1878, after the Berlin Congress, when Hamid's program of Armenians' physical extermination and the catchword "Armenia without Armenians" were meant to realization, one might have exceptional force, will and energy to not only struggle, but also create. G. Zohrap was among the few persons who struggled with all accessible and inaccessible means: creation, journalism, appeals to different juridical instances and parliaments (state and national), secretly and publicly, using his personal ties and relations.

Zohrap's struggle and protest against violence, injustice, and men's rights violation weren't only limited by national frames. He courageously fought against international tyranny, trampling on men's rights, national discrimination, ethnic intolerance and racism.

The years between 1908 and 1915 were G. Zohrap's public, political, literary and cultural activities' most fertile period, when he was a member of Turkish Parliament and Armenian National Assembly; he was elected in almost

all elections and participated with great energy to electoral activities, came out with legislative long speeches and reports, put forward information and theses in conformity with European criteria.

In the conditions of Hamid's military and administrative tyranny Zohrap was a prominent national and political figure, an unequaled orator and critic, fighting boldly, courageously and with admirable devotion in order to make the life of his suffering nation more or less supportable. The most part of his parliament speeches were full of critical observations against the inhumane and reactionary policy of the Ottoman regime.

As numerous other people did, Zohrap felt himself concerned by the Armenian problem. Foreseeing the anti-Armenian political intentions of the Ittihadist party, on his own initiative he carried out negotiations with diverse countries' ambassadors in order to introduce some reforms in Armenian provinces.

On May 1913, a brochure by Zohrap was printed in Paris under the pseudonym Marcel Lnard. It was entitled The Armenian Problem in the Light of Documents and contained huge documental material about the political situation of Western Armenians, their culture, schools and economical condition. This publication is an important document either about the political and cultural life of Western Armenia at the end of the 19th and the beginning of the 20th century, or the study of modern history of Armenia.

There are not pedagogical works in the literary legacy of G. Zohrap and he scarcely was busy practicing pedagogy. Nevertheless he was well acquainted with the problems of national school and took active participation in their solution, as well as school reform activities. He excellently mastered advanced pedagogical theories, have read works of classical pedagogy and knew its pedagogical doctrines. Besides, his novels and short stories, alongside with their artistic value, are also of great instructive, educational and psychological importance; so their role in the education of young generations can hardly be overestimated.